

চতুর্দশপদী কবিতাবলী

[১৮৬২ খ্রীষ্টাব্দে মুদ্রিত দ্বিতীয় সংস্করণ হইতে]

চতুর্দশশব্দী কবিতাবলী


মাইকেল মধুসূদন দত্ত

[১৮৬৬ খ্রীষ্টাব্দে প্রথম প্রকাশিত]

সম্পাদক :

ব্রজেন্দ্রনাথ বন্দ্যোপাধ্যায়

শ্রীসজনীকান্ত দাস



বঙ্গীয়-সাহিত্য-পরিষৎ

২৪৩১, আপার সারকুলার রোড

কলিকাতা-৬

প্রকাশক
শ্রীমদেবকুমার গুপ্ত
বঙ্গীয়-সাহিত্য-পরিষৎ

প্রথম সংস্করণ—অগ্রহায়ণ, ১৩৪৭

... ..

পঞ্চম মুদ্রণ— জ্যৈষ্ঠ, ১৩৬২

মূল্য দেড় টাকা

শনিরঞ্জন প্রেস, ৫৭ ইলেক্ট্রিক বিখাস রোড, কলিকাতা-৩৭

হইতে শ্রীমদেবকুমার দাস কর্তৃক মুদ্রিত।

১১—১০.৬.১৩৪৫

ভূমিকা

যদি নূতন পদ্ধতি প্রবর্তনের দিক্ দিয়া প্রতিষ্ঠার বিচার করিতে হয়, তাহা হইলে বাংলা-সাহিত্যে মধুসূদনকে শ্রেষ্ঠ কবি-প্রতিভা বলিয়া স্বীকার করিতে হইবে। শুধু ব্রাহ্ম ভাস বা অমিত্রাকর ছন্দই নয়, মধুসূদন বাংলা ভাষায় ইউরোপীয় পদ্ধতিতে গীতি-কবিতা, মহাকাব্য, প্রহসন ও নাটকেরও আদি-প্রবর্তক। ইতালীয় কবিদের “Heroic Epistles”-এর ধরণে ‘বীরাজনা কাব্যে’ পত্রচ্ছলে কাব্যরচনার যে রীতি মধুসূদন অনুসরণ করিয়াছেন, বাংলা ভাষায় তাহাও নূতন; ‘ব্রজাঙ্গনা কাব্যে’ তিনি রাধাকৃষ্ণের বৈষ্ণবি প্রেমকে সম্পূর্ণ নূতন আধুনিক রূপ দিয়াছেন। ফরাসী কবি La Fontain-এর ধরণে রচিত “রসাল ও স্বর্ণলতিকা”-জাতীয় “নীতিগর্ভ কাব্যে”র বাংলা দেশে তিনিই প্রথম প্রবর্তক এবং তাঁহার ‘হেক্টর-বধ’ বাংলা-গণের একটি নূতন বিশিষ্ট রূপ।

বাংলা কাব্যে সনেটও মধুসূদনের একান্ত নিজস্ব আবিষ্কার; “চতুর্দশপদী” নামও তাঁহারই দেওয়া। তাঁহার জীবন-চরিতগুলি হইতে এ বিষয়ে যতটুকু তথ্য পাওয়া গিয়াছে, তাহা নিম্নে লিখিত হইল।

১৮৬০ খ্রীষ্টাব্দের সেপ্টেম্বর-অক্টোবর মাস। ‘মেঘনাদবধ কাব্যে’র দুই সর্গ রচনা সমাপ্ত হইয়াছে, কবি তৃতীয় সর্গে হাত দিয়াছেন; ‘কৃষ্ণকুমারী নাটক’ রচনাও সমাপ্ত হইয়াছে (৭ সেপ্টেম্বর, ১৮৬০)। এই সময়ে এক রবিবারে মধুসূদন রাজনারায়ণ বসুকে যে পত্র লিখিয়াছিলেন, তাহার কিয়দংশ এইরূপ—

...I want to introduce the sonnet into our language and some morning ago, made the following :—[আমি আমাদের মাতৃভাষায় সনেটের প্রবর্তন করিতে চাই, এবং কয়েক দিন আগে এক সকালে এইটি রচনা করিয়াছি :—]

কবি-মাতৃভাষা।

নিজাগারে ছিল মোর অমূল্য-বসন
অগণ্য; তা সবে আমি অবহেলা করি,

অর্থলোভে দেশে দেশে করিছ ভ্রমণ,
 বন্দরে বন্দরে বধা বাণিজ্যের তরী ।
 কাটাইছ কত কাল স্থখ পরিহরি,
 এই ভ্রতে, বধা তপোবনে তপোধন,
 অশন, শয়ন ত্যজে, ইষ্টদেবে শ্রি,
 তাঁহার সেবার সদা সঁপি কার মন ।
 বন্ধকুল-লক্ষ্মী ঘোরে নিশার স্বপনে
 কহিলা—“হে বৎস, দেখি তোমার ভকতি,
 স্ত্রপ্রসন্ন তব প্রতি দেবী সরস্বতী ।
 নিজ গৃহে ধন তব, তবে কি কারণে
 ভিখারী তুমি হে আজি, কহ ধন-পতি ?
 কেন নিরামন্দ তুমি আনন্দ সমনে ?*

What say you to this my good friend ! In my humble opinion, if cultivated by men of genius, our sonnet in time would rival the Italian.

[এ বিষয়ে তোমার কি মত, বন্ধু ! আমি মনে করি, যদি প্রতিভাশালী ব্যক্তির ইহার অনুশীলন করেন, তাহা হইলে আমাদের সনেট একদিন ইতালীয় সনেটের সঙ্গে পাল্লা দিতে পারিবে।]

এই পত্র হইতেই জানা যায়, মধুসূদন এই সময়ে ইতালীয় ভাষার চর্চা করিতেছিলেন ; কবি তাসোর (Tasso) মূল কাব্য পাঠ করিয়া বিশেষ আনন্দ লাভ করিয়াছিলেন । ইহার পর অনেক দিন সনেট বা চতুর্দশপদী কবিতা রচনা স্থগিত থাকে । ১৮৬২ খ্রীষ্টাব্দের ৯ জুন ‘ক্যাণ্ডিয়া’ জাহাজযোগে তিনি বিলাত যাত্রা করেন । ১৮৬৫ খ্রীষ্টাব্দে ফ্রান্সের “ভর্সেল্‌স”-এ (Versailles) অবস্থানকালে আবার তিনি চতুর্দশপদী কবিতা রচনায় মনোনিবেশ করেন । ঐ বৎসরের ২৬ জানুয়ারি তারিখে তিনি গৌরদাস বসাককে যে পত্র লেখেন, তাহাতে আছে—

You again date you letter from “Bagirhat.” Is this “Bagirhat” on the bank of my own native river ? I have been

* এই প্রথম সনেটটিই পরবর্তী কালে সুবিখ্যাত “বন্ধভাবা” (৩ নং) কবিতার রূপান্তরিত হইয়াছিল । যাত্র চারি বৎসরে মধুসূদনের ভাষার ও ভাবের প্রসার লক্ষ্য করিবার মত ।

lately reading Petrarca—the Italian Poet, and scribbling some “sonnets” after his manner. There is one addressed to this very river কবতক। I send you this and another—the latter has been very much liked by several European friends of mine to whom I have been translating it. I dare say, you will like it too. Pray, get these sonnets copied and sent to Jatindra and Rajnarain and let me know what they think of them. I dare say the sonnet “চতুর্দশ-শব্দী” will do wonderfully well in our language. I hope to come out with a small volume, one of these days. I add a third ; I flatter myself that since the day of his death ভারতচন্দ্র রায় never had such an *elegant* compliment paid to him. There’s variety for you, my friend. I should wish you to show these things to Rajendra also, for he is a good judge. Write to me what you all think of this new style of Poetry. Believe me, my dear fellow, our Bengali is a very beautiful language, it only wants men of genius to polish it up.

[তোমার পত্রের শিরোনামের পুনরায় বাগেরহাটের উল্লেখ দেখিতেছি। আমার অল্পভূমির নদীর তীরে যে বাগেরহাট, এ বাগেরহাট কি সেই ? আমি সম্ভ্রান্তি ইতালীয় কবি পেত্রার্কোর কাব্য পাঠ করিতেছিলাম—তাঁহার ধরণে কয়েকটি সনেট লিখিয়া ফেলিয়াছি। এই কবতককে সন্ধান করিয়াই একটি সনেট লিখিত। ঐটি এবং সঙ্গ আর একটি সনেট পাঠাইলাম ; শেবেবটির অহুবাদ কয়েক জন ইউরোপীয় বন্ধুকে শুনাইয়াছিলাম, তাঁহাদের ওটি অত্যন্ত পছন্দ হইয়াছে। ভয়সা করিয়া বলিতে পারি, তোমারও ভাল লাগিবে। দোহাই তোমার, এগুলির নকল বতীন্দ্র ও রাজনারায়ণকে পাঠাইবে এবং তাঁহাদের মতামত আমাকে জানাইবে। আমাদের ভাষায় চতুর্দশ-শব্দী কবিতা যে ভাল ভাবেই চলিবে, এ কথা বলিবার সাহস আমার আছে। শীঘ্রই এক খণ্ড পুস্তকে এগুলি প্রকাশ করিবার মতলব আছে। তিন নম্বরের একটি কবিতাও পাঠাইতেছি ; যত্নের পর আজ পর্যন্ত ভারতচন্দ্র রায়কে এমন মাল্ক্ষিত প্রশংসাবাদ কেহ করে নাই—এ আশ্র-প্রশংসা আমার প্রাপ্য। এগুলি বন্ধু, তোমার কাছে নূতন ঠেঁকিবে। আমার ইচ্ছা, রাজেন্দ্রও এগুলি দেখেন, তাঁহার বিচারবুদ্ধির উপর আমার আস্থা আছে। এই নূতন পদ্ধতির কাব্য সম্বন্ধে তোমাদের সকলের মতামত আমাকে জানাইবে। ভাই, আমার নিজের বিশ্বাস, আমাদের ভাষা অতি মনোহারী, প্রতিভাশালী ব্যক্তির হাতে ইহা মাল্ক্ষিত হইবার অপেক্ষা করিতেছে মাত্র।]

গৌরদাস বসাক মধুসূদন-প্রেরিত সনেটগুলি তাঁহার নির্দেশমত যতীন্দ্রমোহন ঠাকুরকে দেখিতে দেন। ২১ মার্চ (১৮৬৫) তারিখে

গৌরদাস বাবুকে লেখা ষষ্ঠীস্রমোহন ঠাকুরের একটি পত্র হইতে জানা যায় যে, মধুসূদন ঠাহার পত্রে তিনটির উল্লেখ করিলেও মোট চারিটি সনেট পাঠাইয়াছিলেন। সনেট চারিটি যথাক্রমে এইরূপ—অন্নপূর্ণার বাঁপি (৫ নং), জয়দেব (৮ নং), সায়ংকাল (২১ নং), কবতক্ষ নদ (৩৪ নং)। ষষ্ঠীস্রমোহনের পত্র অংশতঃ উদ্ধৃত করিতেছি :—

I have perused the four sonnets with attention and I should think they are fully worthy of our poet's pen. Of the four I give greater preference to two. I mean the one addressed to Jaidev and the other describing Evening. The ideas of the latter tho' perhaps not quite original are wholly new in the Bengallee and his adaptations are so peculiarly happy that they almost deserve the credit of originality. Our poet takes nothing but what he is sure to improve, and ideas and sentiments however foreign assume a natural grace and beauty when they pass thro' his crucible. The third sonnet is full of tender feelings but I think it has not the simplicity and ease which characterize the other two. As desired I have handed over all the four sonnets together with Michael's letter to our friend Rajender and I dare say he will be glad to give them a place in his Periodical.

[সনেট চারিটি আমি মনোযোগের সহিত পড়িয়াছি এবং আমার বিবেচনায় সেগুলি আমাদের কবির লেখনীর সম্পূর্ণ মর্যাদা রাখিয়াছে। চারিটির মধ্যে দুইটি আমার বেশী ভাল লাগিয়াছে—জয়দেব সন্ধ্যাখন করিয়া লিখিত সনেটটি এবং সায়ংকালের বর্ণনা-সম্বলিত সনেটটি। শেষেরটির ভাব বদ্বিও সম্পূর্ণ মৌলিক নয়, তথাপি বাংলা ভাষায় একেবারে নূতন ; এবং মধুসূদন এমন আশ্চর্য্য চমৎকার ভাবে মর্থাহুবাদ করিয়াছেন যে, কবিতাটি প্রায় মৌলিক কবিতার গৌরব লাভ করিয়াছে। আমাদের কবি যেখান হইতে বাহাই গ্রহণ করুন না, ঠাহার হাতে গৃহীত বস্তু উৎকর্ষ প্রাপ্ত হয় এবং ভাব ও অল্পভূতি বস্তু বিদেশী হউক, ঠাহার রচনা-কটাছে পড়িলে সকলই স্বাভাবিক মাদুর্য্য ও সৌন্দর্য্য লাভ করে। তৃতীয় সনেটটি বদ্বিও কমনীয় ভাবে ভরা, তথাপি আমার মনে হয়, এটি অল্প দুইটির মত সহজ ও প্রাঞ্জল হইয়া উঠে নাই। আপনার নির্দেশ-মত আমি সনেট চারিটি সাইকেলের পত্র সহ আমাদের বন্ধু রাজেন্দ্রকে দিয়াছি ; ভরসা করি, তিনি খুশী হইয়াই ঠাহার পত্রিকায় সেগুলিকে স্থান দিবেন।]

রাজেশ্বরলাল মিত্র তৎসম্পাদিত 'রহস্য-সন্দর্ভ'* পত্রিকায় (১৯২১ সংবৎ, ২ পর্ব, ২১ খণ্ড, পৃ. ১৩৬) তন্মধ্যে দুইটি সনেট মুদ্রিত করেন— “কবতক নদ” ও “সায়ঙ্কাল”। ভূমিকায় রাজেশ্বরলাল যাহা লিখিয়াছিলেন, তাহা উদ্ধৃত করিতেছি :—

চতুর্দশপদী কবিতা।

নিম্নস্থ চতুর্দশপদী কবিতাঘর শ্রীযুক্ত মাইকেল মধুসূদন দত্তকর্তৃক প্রণীত। উক্ত মহোদয়ের শশিষ্ঠা তিলোত্তমা মেঘনাধাদি কাব্য বঙ্গভাষায় উৎকৃষ্ট বলিয়া প্রসিদ্ধ আছে। মেঘনাদ বাহালী মহাকাব্য বলিবার উপযুক্ত। অপর কবিবর কেবল উত্তম কাব্য লিখিয়াছেন এমত নহে। তাঁহাকর্তৃক বঙ্গভাষায় অমিত্রাক্ষর কবিতার সৃষ্টি হইয়াছে বলিয়াও তিনি এতদেদেশীয়দিগের মধ্যে সুপ্রতিষ্ঠিত আছেন। তাঁহার এই অভিনব কবিতা তাঁহার কবিত্ব-মার্ভগের অচুপযুক্ত অংশ নহে।

অতি অল্প কালের মধ্যে মধুসূদন “ভরসেল্‌স” নগরে বসিয়াই শতাধিক সনেট রচনা করেন এবং তাঁহার প্রকাশক কলিকাতার ষ্ট্যান্‌হোপ্‌ প্রেসের স্বত্বাধিকারী ঈশ্বরচন্দ্র বসু কোম্পানীকে সেগুলি পাঠাইয়া দেন। ঐ সঙ্গে আরও কয়েকটি অসমাপ্ত কাব্য ছিল। প্রকাশক এগুলি সমস্তই ১৮৬৬ খ্রীষ্টাব্দের ১লা আগস্ট তারিখে পুস্তকাকারে প্রকাশ করেন। প্রথম সংস্করণ পুস্তকের আখ্যাপত্র এইরূপ ছিল—

চতুর্দশপদী-কবিতাবলি। / শ্রীমাইকেল মধুসূদন দত্ত / প্রণীত। / ১
কলিকাতা। / শ্রীযুক্ত ঈশ্বরচন্দ্র বসু কোং ষ্ট্যান্‌হোপ্‌ প্রেসে / মুদ্রিত। / সন ১২৭৩
সাল, ইংরাজী ১৮৬৬। /

পুস্তকের পৃষ্ঠা-সংখ্যা ছিল ১ + ১২২। প্রথম সংস্করণে এই পুস্তকের তিনটি ভাগ ছিল—(১) উপক্রম, (২) চতুর্দশপদী কবিতাবলি, (৩) অসমাপ্ত কাব্যাবলি। “উপক্রম” ভাগে লিখা প্রেসে ছাপা মধুসূদনের স্বহস্তাক্ষরে দুইটি সনেট (বর্তমান সংস্করণের ১-২); “চতুর্দশপদী

* নগেন্দ্রনাথ সোম ভ্রমক্রমে ‘মধু-স্মৃতি’তে (পৃ. ৩২৬) ‘বিবিধার্থ-সঙ্গ হে’র নাম করিয়াছেন। ‘বিবিধার্থ-সঙ্গ হে’ তখন বঙ্গ হইয়া গিয়াছিল।

† আখ্যাপত্রের এইখানে যে সীলটি ব্যবহৃত হইয়াছিল, তাহার প্রতিলিপি বর্তমান সংস্করণের আখ্যাপত্রেও দেওয়া হইল।

কবিতাবলি” অংশে ১০০টি সনেট (বর্তমান সংস্করণের ৩-১০২) এবং “অসমাপ্ত কাব্যাবলি”তে নিম্নলিখিত খণ্ডিত কবিতাগুলি ছিল : ১। সুভদ্রা-হরণ। ২। তিলোত্তমা-সম্ভব। ৩। নীতিগর্ভ কাব্য—(ক) ময়ূর ও গৌরী, (খ) কাক ও শৃগালী, (গ) রসাল ও স্বর্ণলতিক। পরবর্তী সংস্করণগুলিতে “উপক্রম” ও “চতুর্দশপদী কবিতাবলি” অংশ একত্র হইয়াছে এবং “অসমাপ্ত কাব্যাবলি” অংশ পরিত্যক্ত হইয়াছে। ‘মধুসূদন-গ্রন্থাবলী’তে এই পরিত্যক্ত অংশ “বিবিধ—কাব্য” খণ্ডে মুদ্রিত হইয়াছে। “অসমাপ্ত কাব্যাবলি” সম্বন্ধে প্রকাশকের (ঈশ্বরচন্দ্র বসু কোং) মন্তব্য “পাঠভেদ” অংশে দ্রষ্টব্য।

‘চতুর্দশপদী কবিতাবলী’ প্রকৃতপক্ষে মধুসূদনের শেষ কাব্য এবং সর্বাপেক্ষা পরিণত মনের কাব্য। চৌদ্দ পংক্তি এবং চৌদ্দ অক্ষরের গভীর মধ্যে তাঁহার স্বভাবতঃ উচ্ছ্বাসপ্রবণ মন অনেকখানি সংযত হইতে বাধ্য হইয়াছে। সনেটের কঠোর ও দৃঢ় গঠন-গুণে অল্প পরিধির মধ্যে একটি ভাবকে সম্পূর্ণতা দান করিবার জন্ম কবিকে ভাষা সম্বন্ধে অত্যন্ত সজাগ থাকিতে হইয়াছে। মিলের বন্ধনও ভাষা-গঠনে সবিশেষ সহায়ক হইয়াছে। ফলে মধুসূদনের চতুর্দশপদীর অনেক পংক্তি আজ প্রবাদবাক্য হইতে পারিয়াছে। এই পদ্ধতি প্রবর্তনে মধুসূদনের অসাধারণ প্রতিভার পরিচয় পাওয়া যায়। তাঁহার সম্মুখে স্বদেশীয় কোনও আদর্শ ছিল না; ভাঙাগড়ার কাজ তাঁহাকে নিজ জ্ঞানবুদ্ধি ও দুঃসাহসমত করিতে হইয়াছে।

‘চতুর্দশপদী কবিতাবলী’তে আর একটি লক্ষণীয় বিষয়—মধুসূদনের অপূর্ব দেশপ্রেম। ভারতবর্ষ এবং বিশেষ করিয়া মাতৃভূমি বাংলা দেশের প্রতি তাঁহার ঐকান্তিক ভালবাসা এই সনেট কয়টিতে ওতপ্রোত হইয়া আছে। এই প্রেমের তুলনা বাংলা-সাহিত্যেও দুর্লভ। এই পুস্তকের ১০২টি সনেটের মধ্যে বৈদেশিক ব্যক্তি ও বিষয় হইয়া লিখিত (৪৩, ৮২, ৮৩, ৮৪ ও ৮৫ নং) ৫টিকে বাদ দিলে বাকী প্রায় সবগুলিই স্বদেশীয় বিষয় এবং স্বদেশীয় প্রকৃতির বর্ণনাসম্বলিত। এগুলিতে মধুসূদনের অসামান্য কবি-স্বদয়ের পরিচয় নিহিত আছে। শুধু প্রকৃতি-বর্ণনাই নয়, তাঁহার

সমগ্র জীবনের রূঢ় বাস্তব ব্যক্তিগত অভিজ্ঞতা নানা আকারে এগুলিতে প্রকাশ পাইয়াছে। ভারতবর্ষকে, বাংলা দেশকে, ভারতের এবং বঙ্গদেশের কবি ও মনস্বী ব্যক্তিগণকে তিনি কত শ্রদ্ধা করিতেন, তাহার প্রকাশেই ‘চতুর্দশপদী কবিতাবলী’ সমৃদ্ধ নয়—দেশের “বউ কথা কও” পাখী, “বটবৃক্ষ-তলে শিব-মন্দির,” “শ্মশান,” “কোজাগর লক্ষ্মীপূজা” প্রভৃতি সাধারণ বস্তু ও বিষয়ের স্মৃতিও তাঁহার কল্পনাকে সম্ভীষিত করিয়াছে। অথচ আশ্চর্যের বিষয়, ইহার প্রত্যেকটিই সুদূর প্রবাসে ফ্রান্সের একটি প্রসিদ্ধ নগরে বসিয়া লেখা—সেখানে তাঁহার আশে পাশে চতুর্দিকে বিজাতীয় শিক্ষা ও সংস্কৃতির অবাধ বিস্তার এবং বিপুল সমৃদ্ধির চমকপ্রদ প্রকাশ! ইউরোপীয় সভ্যতা ও সংস্কৃতির প্রতি নিজের চিরজীবনের গভীর আকর্ষণ ও ঐকান্তিক প্রবণতা সত্ত্বেও তিনি সেই সভ্যতার মাঝখানে বসিয়া দেশের নদী, নদীতীরের বটবৃক্ষ, ঈশ্বরী পাটনী এবং অন্নপূর্ণার বাঁপিটিকে ভুলিতে পারেন নাই। মধুসূদনের কবি-জীবনের অসাধারণ মহত্ত্ব এইখানে। ‘জীবন-চরিত’-প্রণেতা যোগীন্দ্রনাথ বসু মহাশয় সত্যই লিখিয়াছেন—

মধুসূদনের কবিশক্তির পরিচয় প্রাপ্ত হইতে হইলে, যেমন তাঁহার মেঘনাদবধ ও বীরাদনা পাঠ করা আবশ্যিক, মধুসূদনকে জানিতে হইলে, তেমনি তাঁহার চতুর্দশপদী কবিতাবলী পাঠ করিবার প্রয়োজন।—৪র্থ সংস্করণ, পৃ ৫৮৩।

‘চতুর্দশপদী কবিতাবলী’ প্রকাশিত হইলে মনস্বী রাজেন্দ্রলাল মিত্র ‘রহস্য-সন্দর্ভে’ (৩ পর্ব, ৩৪ খণ্ড, পৃ. ১৬০) তাহার যে সমালোচনা প্রকাশ করিয়াছিলেন, তাহাতে এই কবিতাগুলিতে স্বাভাৱিকতা ও দেশপ্রেমের প্রকাশ দেখিয়া একালে মধুসূদনের বাল্যসহপাঠীরাও কিরূপ বিস্ময় বোধ করিয়াছিলেন, তাহার আভাস আছে। সেই ছুপ্রাপ্য আলোচনাটি আমরা উদ্ধৃত করিতেছি :—

যে সকল ব্যক্তি “ওলো লো মালিনীর” রুপুহু শব্দস্বাকারে মুগ্ধ হন ও অল্পপ্রাসই কবিতার সার বলিয়া কৃতনিস্বয় আছেন তাঁহাদের নিকট এই নূতন গ্রন্থখানি কোন মতে সমাদৃত হইবে না। পরন্তু যাহারা উৎকৃষ্ট প্রসঙ্গ, অলৌকিক কল্পনা শক্তি, চমৎকার লক্ষণা, প্রাঞ্জল রচনা ও প্রকৃষ্ট ওজোগুণ বিশিষ্ট বাক্য রনের আনন্দ সাধন করিতে পারেন, যাহারা জ্ঞাত আছেন যে কবিতার মূলই সত্ত্বা, এবং

তদভাবে সহস্র অঙ্কপ্রাপ্তও চিত্তের প্রকৃত অহুমোদন করিতে পারে না, বাঁহারা রচনার অলঙ্কারকে অলঙ্কার বলিয়া জানেন, তাহাই প্রধান পদার্থ মনে করেন না, তাঁহাদিগের নিকট দস্তকার এই নূতন গ্রন্থ অবশ্যই উপদেশ বলিয়া গৃহীত হইবে। এই গ্রন্থরূপ উপহার প্রাপ্তিতে আমরা পরম পুলকিত হইয়াছি, যেহেতু ইহার দৃষ্টে আমরাদিগের এই হৃদয়ঙ্গম হইল যে নব্য যুবকগণ অনেকেই ইংরাজি নবানুসরণে মত্ত হইয়া বাঙ্গালীর অবহেলা করিলেও আমরাদিগের প্রকৃত সঙ্গিন্যেয়ন্যে মাতৃভাষার কদাপি অবহেলা করিবেন না, এবং তাঁহাদের প্রেষণে তাহা চিরকাল সালঙ্কতা ও সমাদৃত্য থাকিবেক। শ্রীযুক্ত দস্তজ ইউরোপীয় নানা ভাষায় প্রবীণ। ইংরাজি লাতিন ও গ্রীক ভাষায় তেঁহ পণ্ডিত বলিয়া প্রসিদ্ধ, তন্নিম্ন ফরাসী ইতালীয় ও জার্মান ভাষা প্রভৃতিতে অভিজ্ঞ। তেঁহ দেশীয় পৌত্তলিক ধর্মে বিরক্ত হইয়া তাহার বিসর্জনপূর্বক খ্রীষ্টীয় ধর্মগ্রহণ করেন, ও ইউরোপীয় রমণীর পাণিপিড়ন করেন; অধিকন্তু প্রাপ্তবয়স্কতায় তিনি বিষয়ানুরোধে বঙ্গদেশ ত্যাগ করিয়া মাদ্রাজ প্রদেশে বহুকাল বাসন করেন, পরে ইউরোপীয় ব্যবহার শাস্ত্রের প্রকৃষ্টরূপে অধ্যয়নার্থে কএক বৎসরাবধি স্বদেশ-পরিভ্রমণ পূর্বক বিভিন্ন বর্ষে দিনপাত করিতেছেন, তদ্রূপে এক মুহূর্তের নিমিত্ত তিনি মাতৃভাষা বিন্মত হয়েন নাই; প্রত্যুত ফ্রান্স দেশের বার্সেল্‌স্‌ নগরে মাতৃভাষাতেই আপন গৃঢ় ভাবসকল সঙ্গীত করিতেছেন, এবং বর্তমান গ্রন্থে তাহারই কএকটি গীত সমাহৃত হইয়াছে। মাতৃভাষায় বলবত্তা-বিষয়ে এতদপেক্ষার প্রবল দৃষ্টান্ত প্রাপ্ত হওয়া ভার। পরন্তু ইহাও স্মর্তব্য যে দস্তজ বাল্যকালে বাঙ্গালীভাষা শিক্ষায় তাদৃশ বিশেষ অহুধাবন করেন নাই, ও কার্যানুরোধে যৌবনের মুখ্যাংশ ইংরাজীর অহুশীলনে বিনিয়োগ করেন, তথা প্রবাসে বাস, তথাকার প্রচলিত ভাষা বাঙ্গালী নহে, ও গৃহ মধ্যে ইংরাজী সহস্মিগী থাকায় পুত্র কলত্রের সহিতও বাঙ্গালী ভাষায় কথোপকথন করিতে হয় না, তথাপি বাঙ্গালী কবিতারচনে তাঁহার যে প্রকার ক্ষমতা তাদৃশ আর কাহার দৃষ্ট হয় নাই; এ ঘটনা প্রকৃত আধিদৈবিক শক্তি না থাকিলে কদাপি সম্ভবে না। ফলে অধুনা বাঙ্গালী কবির মধ্যে দস্তজ সর্বশ্রেষ্ঠ এ কথা বলিলে, বোধ হয়, কেহই আমাদের প্রতিবন্দী হইবেন না। বাঁহারা দস্তকার মেঘনাদ বধ, তিলোত্তমাসম্ভব, শর্মিষ্ঠা প্রভৃতি গ্রন্থ পাঠ করিয়াছেন ও তদগ্রন্থের রসানুভব করিতে পারিয়াছেন, তাঁহাদিগের নিকট এ বিষয়ের প্রমাণ প্রয়োগ করিবার আবশ্যক রাখে না অস্ত্রের নিমিত্ত আমরা প্রস্তাবিত কবিতাবলির উল্লেখ করিলাম তৎ পাঠে অনেকে আমরাদিগের সহিত এক মত হইবেন সন্দেহ নাই।

প্রথম সংস্করণের পুস্তকে “প্রকাশক-দিগের বিজ্ঞাপনে” কয়েকটি কবিতার যে পরিচয় দেওয়া হইয়াছে, এ যুগের পাঠক তাহা পড়িলে কৌতুক বোধ করিবেন। আমরা কৌতুহলী পাঠকদের অবগতির জন্ত এই অংশ উদ্ধৃত করিলাম :—

চতুর্দশপদীর ৮০ সংখ্যক কবিতাটি [বর্তমান সংস্করণে ৮২] গ্রন্থকার ইটালীর অধিপতি ভিক্টর ইমানুয়েলকে উপঢৌকন স্বরূপ প্রেরণ করেন। ইটালীশ্বর স্বীয় প্রধান মন্ত্রীকে দিয়া দত্তজ্ঞ মশায়কে এক প্রশংসাসূচক উত্তর লিখিয়া পাঠান। এই কবিতা ইটালীদেশীয় সুপ্রসিদ্ধ কবি দাস্তুর উপর লিখিত হয়। ইনি ফ্লোরেন্স নগরে জন্ম গ্রহণ করেন। ১৩০০ খ্রীঃ অব্দে উক্ত নগরের একজন প্রধান মন্ত্রিত্বের পদে অভিষিক্ত হইয়া কোন সম্প্রদায়বিশেষের বিরোধে লিপ্ত থাকাতে তিনি স্বদেশ হইতে নির্বাসিত হন। নির্বাসিতাবস্থায় লা কমেডিয়ান নামে জগদ্বিখ্যাত কাব্য ইটালি ভাষায় রচনা করেন। এই কাব্যে স্বর্গ ও নরকের বিষয় অতি সুন্দররূপে বর্ণিত আছে। একরূপ অল্পমান করা হয় যে, কবিগুরু দাস্তুর ডাব্রিঞ্জলের সমভিব্যাহারে নরকে প্রবেশ করিয়া পাপীদিগের যন্ত্রণা ভোগ বর্ণনা করেন। তিনি ল্যাটিন ভাষায় আর কতকগুলি কাব্য লিখিয়া আপন বংশে আরাধিত করিয়াছেন। ১৮৩০ সালে ফ্লোরেন্স নগরে তাহার স্মরণার্থে একটি সমাধি-মন্দির নির্মিত হয়।

৮১ সংখ্যক [ম. গ্র—৮৩] কবিতাটি পণ্ডিতবর গোল্ডষ্ট্রুবকে লিখিত হয়। ইনি জর্মানি দেশ-নিবাসী সংস্কৃত ভাষায় একজন মহাপণ্ডিত এবং বোডিন কালেজে উক্ত ভাষার প্রধান অধ্যাপক ; কতকগুলি সংস্কৃত গ্রন্থ সংশোধনপূর্বক পুনর্মুদ্রিত করিয়াছেন, বিশেষতঃ সুবিখ্যাত উইলসন্ সাহেবকৃত সংস্কৃত অভিধানের সংশোধন ও পুনর্মুদ্রাকন কার্যে প্রবৃত্ত হইয়াছেন। প্রায় দশ বৎসর হইল এই কার্যে ব্যাপৃত আছেন, অত্যাধিক স্বরবর্ণের আচ্ছন্ন “অ” শব্দ করিয়া উঠিতে পারেন নাই। ইংলণ্ডে অধুনা সংস্কৃত ভাষার উন্নতি-সাধন বিষয়ক “সংস্কৃত টেম্পট সোসাইটি” নামে যে এক সমাজ সংস্থাপিত হইয়াছে, ইনি তাহারও একজন প্রধান সম্পাদক।

৮২ সংখ্যক [ম. গ্র—৮৪] কবিতাটি আলফ্রেড টেনিসনের উপর লিখিত। ইনি ইংলণ্ড দেশীয় ইদানীন্তন সুপ্রসিদ্ধ কবি। ইংরাজী ভাষায় অনেকগুলি প্রসিদ্ধ কাব্য রচনা করিয়া আপন নাম চিরস্মরণীয় করিয়াছেন। ইনি অত্যাধিক জীবিত আছেন।

ভিক্টর হ্যাগো ফ্রান্সদেশীয় ইদানীন্তন অতি প্রসিদ্ধ কবি। ১৮০২ খ্রীঃ অব্দে জন্ম গ্রহণ করেন। দশ বৎসর বয়ঃক্রম হইলে কবিতা লিখিতে আরম্ভ করেন, পরে অনেকগুলি কাব্য, নাটক এবং উপন্যাস লিখিয়া এই জগৎগোলে বিস্তর বশঃ বিস্তার করিয়াছেন।

‘চতুর্দশপদী কবিতাবলী’ প্রকাশিত হইবার পরেও মধুসূদন কয়েকটি সনেট রচনা করিয়াছিলেন, তন্মধ্যে বিজ্ঞাসাগর মহাশয়ের পীড়ার সংবাদে একটি, পরেশনাথ পাহাড়ের উপর একটি, “পুরুলিয়া মণ্ডলীর প্রতি” একটি, “কবির ধর্মপুত্র” একটি, “পঞ্চকোট গিরি” একটি, “পঞ্চকোটস্থ রাজ্যত্রী” একটি এবং ঢাকা নগরীর উপর একটি—মোট এই সাতটি সনেট বিভিন্ন সাময়িক-পত্রিকা ও অগ্ৰাণ্ড উৎস হইতে ‘মধু-স্মৃতি’-প্রণেতা নগেন্দ্রনাথ সোম তাঁহার পুস্তকে পুনর্মুদ্রিত করিয়াছেন। এই কবিতাগুলি আমাদের “বিবিধ—কাব্য”খণ্ডে মুদ্রিত হইয়াছে।

কবিতাগুলির ছন্দ শব্দ ও বাক্যাংশের অর্থ ও অগ্ৰাণ্ড প্রয়োজনীয় মন্তব্য পরিশিষ্টে প্রদত্ত হইল।

মধুসূদনের জীবিতকালে প্রকাশিত দুইটি সংস্করণেই মুদ্রাকর-প্রমাদবশতঃ দুই এক স্থলে ছন্দপতন ও অর্থ-অসঙ্গতি ঘটিয়াছে, পরিশিষ্টে সেগুলিও প্রদর্শিত হইল।

নির্ঘণ্ট পত্র

| কবিতার নাম | পৃষ্ঠা | কবিতার নাম | পৃষ্ঠা |
|----------------------------|--------|----------------------------------|--------|
| উপক্রম | ... ১ | সীতাদেবী | ... ১৯ |
| বঙ্গভাষা | ... ২ | মহাভারত | ... ১৯ |
| কমলে কামিনী | ... ৩ | নন্দন-কানন | ... ২০ |
| অন্নপূর্ণার ঝাঁপি | ... ৩ | সরস্বতী | ... ২১ |
| কাশীরাম দাস | ... ৪ | কপোতাক্ষ নদ | ... ২১ |
| কুন্তিবাস | ... ৪ | ঈশ্বরী পাটনী | ... ২২ |
| অন্নদেব | ... ৫ | বসন্তে একটি পাখীর প্রতি | ... ২৩ |
| কালিদাস | ... ৬ | প্রাণ | ... ২৩ |
| মেঘদূত | ... ৬ | কল্পনা | ... ২৭ |
| "বউ কথা কও" | ... ৭ | রাশি-চক্র | ... ২৫ |
| পরিচয় | ... ৮ | স্বভ্রাতা-হরণ | ... ২৫ |
| বশের মন্দির | ... ৯ | মধুকর | ... ২৬ |
| কবি | ... ১০ | নদী-তীরে প্রাচীন ষাদশ শিব-মন্দির | ২৬ |
| দেব-দোল | ... ১১ | ডরসেলস নগরে রাজপুত্রী ও উচ্চান | ২৭ |
| শ্রীপঞ্চমী | ... ১১ | কিরাত-আর্জুনীয়ম্ | ... ২৮ |
| কবিতা | ... ১২ | পরলোক | ... ২৮ |
| আশ্বিন মাস | ... ১২ | বঙ্গদেশে এক মাত্র বঙ্গ উপলক্ষে | ২৯ |
| সায়ংকাল | ... ১৩ | ঈশান | ... ৩০ |
| সায়ংকালের তারা | ... ১৪ | করণ-রস | ... ৩০ |
| নিশা | ... ১৪ | সীতা—বনবাসে | ... ৩১ |
| নিশাকালে নদী-তীরে বটবৃক্ষ- | | বিজয়া-দশমী | ... ৩২ |
| তলে শিব-মন্দির | ... ১৫ | কোলাগর-লক্ষ্মীপূজা | ... ৩৩ |
| ছায়াপথ | ... ১৬ | বীর-রস | ... ৩৩ |
| কুম্ভমে কীট | ... ১৬ | গদা-যুদ্ধ | ... ৩৪ |
| বটবৃক্ষ | ... ১৭ | গোগৃহ-রণে | ... ৩৫ |
| সৃষ্টিকর্তা | ... ১৭ | কুরুক্ষেত্রে | ... ৩৫ |
| স্বর্ঘ্য | ... ১৮ | শৃঙ্গার-রস | ... ৩৬ |

| কবিতার নাম | পৃষ্ঠা | কবিতার নাম | পৃষ্ঠা |
|---------------------|--------|--------------------------------|--------|
| স্বতন্ত্রা | ... ৩৭ | কবিগুরু দাস্তে | ... ৫১ |
| উর্কনী | ... ৩৮ | পণ্ডিতবর খিওডোর গোল্ডষ্টুকর | ৫২ |
| রৌদ্র-বস | ... ৩৮ | কবিবর আলফ্রেড টেনিসন্ | ... ৫৩ |
| দুঃশাসন | ... ৩৯ | কবিবর ভিক্তর হ্যাগো | ... ৫৩ |
| হিড়িষা | ... ৪০ | ঈশ্বরচন্দ্র বিদ্যাসাগর | ... ৫৪ |
| উত্থানে পুষ্করিণী | ... ৪১ | সংস্কৃত | ... ৫৫ |
| নৃতন বৎসর | ... ৪১ | সাময়গ | ... ৫৫ |
| কেউটিয়া সাপ | ... ৪২ | হরিপর্কিতে জ্যোপদীর মৃত্যু | ... ৫৬ |
| শ্রামা-পক্ষী | ... ৪৩ | ভারত-ভূমি | ... ৫৭ |
| ধেব | ... ৪৩ | পৃথিবী | ... ৫৭ |
| বশঃ | ... ৪৪ | আমরা | ... ৫৮ |
| ভাষা | ... ৪৫ | শকুন্তলা | ... ৫৯ |
| সাংসারিক জ্ঞান | ... ৪৬ | বাল্মীকি | ... ৫৯ |
| পুরুষবা | ... ৪৬ | শ্রীমন্তের টোপার | ... ৬০ |
| ঈশ্বরচন্দ্র গুপ্ত | ... ৪৭ | কোন এক পুস্তকের ভূমিকা পড়িয়া | ৬১ |
| শনি | ... ৪৮ | মিত্রাক্ষর | ... ৬১ |
| সাগরে তরি | ... ৪৮ | ব্রজ-বৃত্তান্ত | ... ৬২ |
| সত্যেন্দ্রনাথ ঠাকুর | ... ৪৯ | ভূত কাল | ... ৬২ |
| শিশুপাল | ... ৫০ | * * * | ... ৬৩ |
| ভাষা | ... ৫০ | আশা | ... ৬৪ |
| অর্থ | ... ৫১ | সমাপ্তে | ... ৬৪ |

চতুর্দশশতাব্দী কবিতাবলী

উপক্রম

যথাবিধি বন্দি কবি আনন্দে আসরে,
কহে, ষোড় করি কর, গোড় সুভাজনে ;—
সেই আমি, ডুবি পূর্বে ভারত-সাগরে,
ভুলিল যে তিলোত্তমা-মুকুতা যৌবনে ;—
কবি-গুরু বাঙ্গালিকির প্রসাদে তৎপরে,
গম্ভীরে বাজায় বীণা, গাইল, কেমনে
নাশিলা স্মিত্রা-পুত্র, লঙ্কার সমরে,
দেব-দৈত্য-নরাতঙ্ক—রক্ষেন্দ্র-নন্দনে ;—
কল্পনা দূতীর সাথে আমি ব্রজ-ধামে
শুনিল যে গোপিনীর হাহাকার ধ্বনি,
(বিরহে বিহ্বলা বালা হারা হয়ে শ্রামে ;)-
বিরহ-লেখন পরে লিখিল লেখনী
যার, বীর জায়া-পক্ষে বীর পতি-গ্রামে ;
সেই আমি, শুন, যত গোড়-চুড়ামণি !—

২

ইতালী, বিখ্যাত দেশ, কাব্যের কানন,
বহুবিধ পিক যথা গায় মধুস্বরে,
সঙ্গীত-সুধার রস করি বরিষণ,
বাসন্ত আমোদে মন পুরি নিরন্তরে ;—
সে দেশে জনম পূর্বে করিলা গ্রহণ
ফ্রাঞ্চিস্কো পেতরার্কী কবি ; বাক্‌দেবীর বরে

মধুসূদন-প্রস্থাবলী

বড়ই যশস্বী সাধু, কবি-কুল-ধন,
রসনা অমৃতে সিক্ত, স্বর্ণ বীণা করে ।
কাব্যের খনিতে পেয়ে এই কুঞ্জ মণি,
স্বমন্দিরে প্রদানিলা বাণীর চরণে
কবীন্দ্র ; প্রসন্নভাবে গ্রহিলা জননী
(মনোনীত বর দিয়া) এ উপকরণে ।
ভারতে ভারতী-পদ উপযুক্ত গণি,
উপহার রূপে আজি অরপি রতনে ॥

ফরাসীল দেশস্থ ডরসেলস্ নগরে ।

১৮৬৫ খ্রীষ্টাব্দে ।

৩

বঙ্গভাষা

হে বঙ্গ, ভাণ্ডারে তব বিবিধ রতন ;—
তা সবে, (অবোধ আমি ।) অবহেলা করি,
পর-ধন-লোভে মত্ত, করিহু ভ্রমণ
পরদেশে, ভিক্ষাবৃত্তি কৃষ্ণণে আচরি ।
কাটাইহু বহু দিন সুখ পরিহরি !
অনিজ্রায়, নিরাহারে সঁপি কায়, মনঃ,
মজিহু বিফল তপে অবরণ্যে বরি ;—
কেলিহু শৈবলে ; তুলি কমল-কানন ।
স্বপ্নে তব কুললক্ষ্মী কয়ে দিলা পরে,—
“ওরে বাছা মাতৃ-কোষে রতনের রাজি,
এ ভিখারী-দশা তবে কেন তোর আজি ?
যা ফিরি, অজ্ঞান তুই, যা রে ফিরি ঘরে !”
পালিলাম আজ্ঞা সুখে ; পাইলাম কালে
মাতৃ-ভাষা-রূপে খনি, পূর্ণ মণিজালে ॥

চতুর্দশপদী কবিতাবলী

৪

কমলে কামিনী

কমলে কামিনী আমি হেরিহু স্বপনে
কালিদহে । বসি বামা শতদল-দলে
(নিশীথে চন্দ্রিমা যথা সরসীর জলে
মনোহরা ।) বাম করে সাপটি হেলনে
গজেশে, গ্রাসিছে তারে উগরি সঘনে ।
গুঞ্জরিছে অলিপুঞ্জ অন্ধ পরিমলে,
বহিছে দহের বারি মুহু কলকলে ।—
কার না ভোলে রে মনঃ, এ-হেন ছলনে ।
কবিতা-পঙ্কজ রবি, ক্রীকবিকঙ্কণ,
ধন্য তুমি বঙ্গভূমে । যশঃ-সুধাদানে
অমর করিলা তোমা অমরকারিণী
বাগ্দেরী । ভোগিলা দুখ জীবনে, ব্রাহ্মণ,
এবে কে না পূজে তোমা, মজি তব গানে ।—
বঙ্গ-হৃদ-হৃদে চণ্ডী কমলে কামিনী ॥

৫

অন্নপূর্ণার ঝাপি

মোহিনী-রূপসী-বেশে ঝাপি কাঁখে করি,
পশিছেন, ভবানন্দ, দেখ তব ঘরে
অন্নদা । বহিছে শূণ্ডে সজীত-লহরী,
অদৃশ্যে অঙ্গরাচয় নাচিছে অস্থরে ।—
দেবীর প্রসাদে তোমা রাজপদে বরি,
রাজাসন, রাজছত্র, দিবেন সত্বরে
রাজলক্ষ্মী ; ধন-শ্রোতে তব ভাগ্যতরি
ভাসিবে অনেক দিন, জননীর বরে ।

কিন্তু চিরস্থায়ী অর্থ নহে এ সংসারে ;
 চঞ্চলা ধনদা রমা, ধনও চঞ্চল ;
 তবু কি সংশয় তব, জিজ্ঞাসি তোমাতে ?
 তব বংশ-যশঃ-কাঁপি—অন্নদামঙ্গল—
 যতনে রাখিবে বঙ্গ মনের ভাণ্ডারে,
 রাখে যথা সুধামৃতে চন্দ্রের মণ্ডলে ॥

৬

কাশীরাম দাস

চন্দ্রচূড়-জটাজালে আছিলো যেমতি
 জাহ্নবী, ভারত-রস ঋষি দ্বৈপায়ন,
 ঢালি সংস্কৃত-হৃদে রাখিলা তেমতি ;
 তৃষ্ণায় আকুল বঙ্গ করিত রোদন ।
 কঠোরে গঙ্গায় পূজি ভগীরথ ত্রতী,
 (সুধন্য তাপস ভবে, নর-কুল-ধন ।)
 সগর-বংশের যথা সাধিলা মুকতি,
 পবিত্রিলা আনি মায়ে, এ তিন ভুবন ;
 সেই রূপে ভাষা-পথ খননি স্ববলে,
 ভারত-রসের স্রোতঃ আনিয়াছ তুমি
 জুড়াতে গোড়ের তৃষা সে বিমল জলে ।
 নারিবে শোধিতে ধার কভু গোড়ভূমি ।
 মহাভারতের কথা অমৃত-সমান ।
 হে কাশি, কবীন্দ্রদলে তুমি পুণ্যবান ॥

৭

কুন্তিবাস

জনক জননী তব দিলা শুভ রূপে
 কুন্তিবাস নাম তোমা !—কীর্্তির বসতি

সতত তোমার নামে সুবঙ্গ-ভবনে,
কোকিলের কণ্ঠে যথা স্বর, কবিপতি,
নয়নরঞ্জন-রূপ কুসুম যৌবনে,
রশ্মি মাণিকের দেহে ! আপান ভারতী,
বৃষ্টি করে দিলা নাম নিশার স্বপনে,
পূর্ব্ব-জ্ঞনমের তব স্মরি হে ভকতি !
পবন-নন্দন হনু, লজ্জি ভীমবলে
সাগর, ঢালিলা যথা রাঘবের কানে
সীতার বারতা-রূপ সঙ্গীত-লহরী ;—
তেমতি, যশস্বি, তুমি সুবঙ্গ-মণ্ডলে
গাও গো রামের নাম সুমধুর তানে,
কবি-পিতা বাগ্মীকিকে তপে তুষ্ট করি !

জয়দেব

চল যাই, জয়দেব, গোকুল-ভবনে
তব সঙ্গে, যথা রঙ্গে তমালের তলে
শিখিপুচ্ছ-চূড়া শিরে, পীত ধড়া গলে
নাচে শ্যাম, বামে রাধা—সৌদামিনী ঘনে
না পাই যাদবে যদি, তুমি কুতূহলে
পুরিও নিকুঞ্জরাজী বেণুর স্বননে !
ভুলিবে গোকুল-কুল এ তোমার ছলে,—
নাচিবে শিখিনী স্বে, গাবে পিকগণে,—
বহিবে সমীর ধীরে সুস্বর-লহরী,—
যুহুতর কলকলে কালিন্দী আপনি
চলিবে ! আনন্দে গুনি সে মধুর ধনি,
ধৈরজ ধরি কি রবে ব্রজের সুন্দরী ?

মাধবের রব, কবি, ও তব বদনে,
কে আছে ভারতে শুক্ল নাহি ভাবি মনে ?

কালিদাস

কবিতা-নিকুঞ্জে তুমি পিককুল-পতি ।
কার গো না মঞ্জ মনঃ ও মধুর স্বরে ?
শুনিয়াছি লোক-মুখে আপনি ভারতী,
সৃষ্টি মায়াবলে সরঃ বনের ভিতরে,
নব নাগরীর বেশে তুৰিলেন বরে
তোমায় ; অমৃত রসে রসনা সিকতি,
আপনার স্বর্ণ বীণা অরপিলা করে ।—
সত্য কি হে এ কাহিনী, কহ, মহামতি ?
মিথ্যা বা কি বলে বলি । শৈলেন্দ্র-সদনে,
লভি জন্ম মন্দাকিনী (আনন্দ জগতে ।)
নাশেন কলুষ যথা এ তিন ভুবনে ;
সঙ্গীত-তরঙ্গ তব উখলি ভারতে
(পুণ্যভূমি !) হে কবীন্দ্র, সুধা-বরিষণে,
দেশ-দেশান্তরে কর্ণ তোমেষে সেই মতে ।

১০

মেঘদূত

কামী যক্ষ দক্ষ, মেঘ, বিরহ-দহনে,
দূত-পদে বরি পূর্বে, তোমায় সাধিল
বহিতে বারতা তার অলকা-ভবনে,
যেখানে বিরহে প্রিয়া স্কুণ্ণ মনে ছিল ।
কত যে মিনতি কথা কাণ্ডরে কহিল
তব পদতলে সে, তা পড়ে কি হে মনে ?

জানি আমি, তুষ্ট হয়ে তার সে সাধনে
 প্রদানিলা তুমি তারে যা কিছু যাছিল ;
 তেঁই গো প্রবাসে আজি এই ভিক্ষা করি ;—
 দাসের বারতা লয়ে যাও নীজগতি
 বিরাজে, হে মেঘরাজ, যথা সে যুবতী,
 অধীর এ হিয়া, হায়, যার রূপ স্মরি ।
 কুসুমের কানে স্বনে মলয় যেমতি
 যুহু নাদে, কয়ো তারে, এ বিরহে মরি ।

১১

গরুড়ের বেগে, মেঘ, উড়ু শুভঙ্কণে ।
 সাগরের জলে সুখে দেখিবে, সুমতি,
 ইন্দ্র-ধনুঃ-চূড়া শিরে ও শ্যাম মূর্তি,
 ব্রজে যথা ব্রজরাজ যমুনা-দর্পণে
 হেরেন বরাজ, যাহে মজি ব্রজাঙ্গনে
 দেয় জলাঞ্জলি লাজে । যদি রোধে গতি
 তোমার, পর্কত-বৃন্দ, মস্ত্রি ভীম স্বনে
 বারি-ধারা-রূপ বাণে বিঁধো, মেঘপতি,
 তা সকলে, বীর তুমি ; কারে ডর রণে ?
 এ দূর গমনে যদি হও ক্লাস্ত কভু,
 কামীর দোহাই দিয়া ডেকো গো পবনে
 বহিতে তোমার ভার । শোভিবে, হে প্রভু,
 খগেন্দ্রে উপেন্দ্র-সম, তুমি সে বাহনে ।—
 কৌশ্ণ্ডের রূপে পরো—ভড়িত-রতনে ॥

১২

“বউ কথা কও”

কি ছখে, হে পাখি, তুমি শাখার উপরে
 বলি, বউ কথা কও, কও এ কাননে ?—

মানিনী ভামিনী কি হে, ভামের গুমরে,
 পাখা-রূপ ঘোমটায় ঢেকেছে বদনে ?
 তেঁই সাধ তারে তুমি মিনতি-বচনে ?
 তেঁই হে এ কথাগুলি কহিছ কাতরে ?
 বড়ই কৌতুক, পাখি, জনমে এ মনে,—
 নর-নারী-রঙ্গ কি হে বিহঙ্গিনী করে ?
 সত্য যদি, তবে শুন, দিতেছি যুক্তি ;
 (শিখাইব শিখেছি যা ঠেকি এ কু-দায়ে)
 পবনের বেগে যাও যথায় যুবতী ;
 “কম, প্রিয়ে,” এই বলি পড় গিয়া পায়ৈ !
 কভু দাস, কভু শ্রুভু, শুন, ক্ষুর-মতি,
 প্রেম-রাজ্যে রাজাসন থাকে এ উপায়ৈ ॥

১৩

পরিচয়

যে দেশে উদয়ি রবি উদয়-অচলে,
 ধরণীর বিশ্বাধর চুখনে আদরে
 প্রভাতে ; যে দেশে গেয়ে, সুমধুর কলে,
 ধাতার প্রশংসা-গীত, বহেন সাগরে
 জাহ্নবী ; যে দেশে ভেদি বারিদ-মণ্ডলে
 (তুষারে বপিত বাস উর্জ্জ্ব কলেবরে,
 রজতের উপবীত শ্রোতঃ-রূপে গলে,)
 শোভেন শৈলেশ্বর-রাজ, মান-সরোবরে
 (স্বচ্ছ দরপণ !) হেরি ভীষণ মুরতি ;—
 যে দেশে কুহরে পিক বাসস্থ কাননে ;—
 দিনেশে যে দেশে সেবে নলিনী যুবতী ;—
 চাঁদের আমোদ যথা কুমুদ-সদনে ;—

সে দেশে জনম মম ; জননী ভারতী ;
তেঁই প্রেম-দাস আমি, ওলো বরাদ্দনে ।

১৪

কে না জানে কবি-কুল প্রেম-দাস ভবে,
কুসুমের দাস যথা মারুত, সুন্দরি,
ভাল যে বাসিব আমি, এ বিষয়ে তবে
এ বৃথা সংশয় কেন ? কুসুম-মঞ্জরী
মদনের কুঞ্জে তুমি । কভু পিক-রবে
তব গুণ গায় কবি ; কভু রূপ ধরি
অলির, যাচে সে মধু ও কানে গুঞ্জরি,
ব্রজে যথা রসরাজ রাসের পরবে ।
কামের নিকুঞ্জ এই । কত যে কি ফলে,
হে রসিক, এ নিকুঞ্জে, ভাবি দেখ মনে ।
সরঃ ত্যজি সরোজিনী ফুটিছে এ স্থলে,
কদম্ব, বিম্বিকা, রম্ভা, চম্পকের সনে ।
সাপিনীরে হেরি ভয়ে লুকাইছে গলে
কোকিল ; কুরঙ্গ গেছে রাধি ছ-নয়নে ।

১৫

যশের মন্দির

সুবর্ণ দেউল আমি দেখিছু স্বপনে
অতি-ভূঙ্গ শৃঙ্গ শিরে । সে শৃঙ্গের তলে,
বড় অপ্রশস্ত সিঁড়ি গড়া মায়্যা-বলে,
বহুবিধ রোধে রুদ্ধ উর্দ্ধগামী জনে ।
তবুও উঠিতে তথা—সে দুর্গম স্থলে—
করিছে কঠোর চেষ্টা কষ্ট সহি মনে

বহু প্রাণী । বহু প্রাণী কাঁদিছে বিকলে,
না পারি লভিতে যত্নে সে রত্ন-ভবনে ।
ব্যথিল হৃদয় মোর দেখি তা সবারে ।—
শিয়রে দাঁড়ায়ে পরে কহিলা ভারতী,
মুহু হাসি ; “ওরে বাছা, না দিলে শক্তি
আমি, ও দেউলে কার সাধ্য উঠিবারে ?
যশের মন্দির ওই ; ওখা যার গতি,
অশক্ত আপনি যম ছুঁইতে রে তারে ।”

১৬

কবি

কে কবি—কবে কে মোরে ? ঘটকালি করি,
শব্দে শব্দে বিয়া দেয় যেই জন,
সেই কি সে যম-দমী ? তার শিরোপরি
শোভে কি অক্ষয় শোভা যশের রতন ?
সেই কবি মোর মতে, কল্পনা সুন্দরী
যার মনঃ-কমলেতে পাতেন আসন,
অস্তগামি-ভানু-প্রভা-সদৃশ বিতরি
ভাবের সংসারে তার সুবর্ণ-কিরণ ।
আনন্দ, আক্ষেপ, ক্রোধ, যার আঙা মানে ;
অরণ্যে কুসুম ফোটে যার ইচ্ছা-বলে ;
নন্দন-কানন হতে যে সৃজন আনে
পারিজাত কুসুমের রম্য পরিমলে ;
মরুভূমে—তুণ্ড হয়ে যাহার ধিয়ানে
বহে জলবতী নদী মুহু কলকলে ।

১৭

দেব-দোল

ওই যে শুনিছ ধ্বনি ও নিকুঞ্জ-বনে,
 ভেবো না গুঞ্জরে অলি চুসি ফুলাধরে
 ভেবো না গাইছে পিক কল কুহরণে,
 তুঘিতে প্রত্যয়ে আজি ঋতু-রাজেশ্বরে !
 দেখ, মৌলি, ভক্তজন, ভক্তির নয়নে,
 অধোগামী দেব-গ্রাম উজ্জল-অশ্বরে,—
 আসিছেন সবে হেথা—এই দোলাসনে—
 পূজিতে রাখালরাজ—রাধা-মনোহরে !
 স্বর্গীয় বাজনা ওই ! পিককুল কবে,
 কবে বা মধুপ, করে হেন মধু-ধ্বনি ?
 কিম্বরের বীণা-তান অঙ্গরার রবে !
 আনন্দে কুসুম-সাজ ধরেন ধরণী,—
 নন্দন-কানন-জাত পরিমল ভবে
 বিতরেন বায়ু-ইন্দ্র পবন আপনি !

১৮

শ্রীপঞ্চমী

নহে দিন দূর, দেবি, যবে ভূভারতে
 বিসর্জ্জবে ভূভারত, বিশ্ব্বতির জলে,
 ও তব ধবল মূর্ত্তি স্নদল কমলে ;—
 কিন্তু চিরস্থায়ী পূজা তোমার জগতে !
 মনোরূপ-পদ্ম যিনি রোপিলা কোশলে
 এ মানব-দেহ-সরে, তাঁর ইচ্ছামতে
 সে কুসুমে বাস তব, যথা মরকতে
 কিম্বা পদ্মরাগে জ্যোতিঃ নিত্য ঝলঝলে !

কবির হৃদয়-বনে যে ফুল ফুটিবে,
 সে ফুল-অঞ্জলি লোক ও রাঙা চরণে
 পরম-ভকতি-ভাবে চিরকাল দিবে
 দশ দিশে, যত দিন এ মর ভবনে
 মনঃ-পদ্য ফোটে, পূজা, তুমি, মা, পাইবে।
 কি কাজ মাটির দেহে তবে, সনাতনে ?

১২

কবিতা

অন্ধ যে, কি রূপ কবে তার চক্ষে ধরে
 নলিনী ? রোধিলা বিধি কর্ণ-পথ যার,
 লভে কি সে সুখ কভু বীণার সুস্বরে ?
 কি কাক, কি পিকধ্বনি,—সম-ভাব তার।
 মনের উদ্ভান-মাঝে, কুসুমের সার
 কবিতা-কুসুম-রত্ন।—দয়া করি নরে,
 কবি-মুখ-ত্রন্ধ-লোকে উরি অবতার
 বাণীরূপে বীণাপাণি এ নর-নগরে।—
 দুর্শ্রুতি সে জন, যার মনঃ নাহি মজে
 কবিতা-অমৃত-রসে। হায়, সে দুর্শ্রুতি,
 পুষ্পাঞ্জলি দিয়া সদা যে জন না ভজে
 ও চরণপদ্ম, পদ্যবাসিনি ভারতি।
 কর পরিমলময় এ হিয়া-সরোজে—
 তুষ্টি যেন বিজে, মা পো, এ মোর মিনতি

২০

আশ্বিন মাস

সু-শ্রামাঙ্গ বঙ্গ এবে মহাব্রতে রত।
 এসেছেন কিরে উমা, বৎসরের পরে,

মহিষমর্দিনীরূপে ভকতের ঘরে ;
 বামে কমকায়ী রমা, দক্ষিণে আয়ত-
 লোচনা বচনেশ্বরী, স্বর্ণবীণা করে ;
 শিখিপৃষ্ঠে শিখিধ্বজ, ষাঁর শরে হত
 তারক—অসুরশ্রেষ্ঠ ; গণ-দল যত,
 তার পতি গণদেব, রাঙা কলেবরে
 করি-শিরঃ ;—আদিভ্রম্মা বেদের বচনে ।
 এক পদ্যে শতদল ! শত রূপবতী—
 নক্ষত্রমণ্ডলী যেন একত্রে গগনে ।—
 কি আনন্দ ! পূর্ব কথা কেন কয়ে, স্মৃতি,
 আনিছ হে বারি-ধারা অঞ্জি এ নয়নে ?—
 ফলিবে কি মনে পুনঃ সে পূর্ব ভকতি ?

২১

সায়ংকাল

চেয়ে দেখ, চলিছেন মৃদে অস্তাচলে
 দিনেশ, ছড়ায় স্বর্ণ, রত্ন রাশি রাশি
 আকাশে । কত বা যত্নে কাদম্বিনী আসি
 ধরিতেছে তা সবারে সুনীল আঁচলে ।—
 কে না জানে অলঙ্কারে অঙ্গনা বিলাসী ?
 অতি-স্বরা গড়ি ধনী দৈব-মায়া-বলে
 বহুবিধ অলঙ্কার পরিবে লো হাসি,
 কনক-কঙ্কণ হাতে, স্বর্ণ-মালা গলে ।
 সাজাইবে গজ, বাজী ; পর্বতের শিরে
 সুবর্ণ কিরীট দিবে ; বহাবে অশ্বরে
 নদশ্রোতঃ; উজ্জলিত স্বর্ণবর্ণ নীরে ।
 সুবর্ণের গাছ রোপি, শাখার উপরে

হেমাঙ্গ বিহঙ্গ ধোবে ।—এ বাজী করি রে
শুভ ক্ষণে দিনকর কর-দান করে ।

২২

সায়ংকালের তারা

কার সাথে তুলনিবে, লো সুর-সুন্দরি,
ও রূপের ছটা কবি এ ভব-মণ্ডলে ?
আছে কি লো হেন খনি, যার গর্ভে ফলে
রতন তোমার মত, কহ, সহচরি
গোধূলির ? কি ফণিনী, যার সু-কবরী
সাজায় সে তোমা সম মণির উজ্জলে ?—
ক্ষণমাত্র দেখি তোমা নক্ষত্র-মণ্ডলে
কি হেতু ? ভাল কি তোমা বাসে না শর্করী ?
হেরি অপরূপ রূপ বৃষ্টি ক্ষুণ্ণ মনে
মানিনী রজনী রাণী, তেঁই অনাদরে
না দেয় শোভিতে তোমা সখীদল-সনে,
যবে কেলি করে তারা সুহাস-অধরে ?
কিন্তু কি অভাব তব, ওলো বরাজনে,—
ক্ষণমাত্র দেখি মুখ, চির আঁখি স্নানে ।

২৩

নিশা

বসন্তে কুসুম-কুল যথা বনস্থলে,
চেয়ে দেখ, তারাচয় ফুটিছে গগনে,
যুগাক্ষি ।—সুহাস-মুখে সরসীর জলে,
চন্দ্রিমা করিছে কেলি প্রেমানন্দ-মনে ।
কত যে কি কহিতেছে মধুর স্বননে
পবন—বনের কবি, ফুল ফুল-দলে,

বুঝিতে কি পার, প্রিয়ে ? নারিবে কেমনে,
 প্রেম-ফুলেশ্বরী তুমি প্রমদা-মণ্ডলে ?
 এ হৃদয়, দেখ, এবে ওই সরোবরে,—
 চল্লিমার রূপে এতে তোমার মুরতি ।
 কাল বলি অবহেলা, প্রেয়সি, যে করে
 নিশায়, আমার মতে সে বড় হুস্মতি ।
 হেন সুবাসিত শ্বাস, হাস স্নিগ্ধ করে
 যার, সে কি কভু মন্দ, ওলো রসবতি ?

২৪ .

নিশাকালে নদী-তীরে বটরক্ষ-তলে শিব-মন্দির

রাজসুয়-যজ্ঞে যথা রাজাদল চলে
 রতন-মুকুট শিরে ; আসিছে সঘনে
 অগণ্য জোনাকীব্রজ, এই তরুতলে
 পূজিতে রজনী-যোগে বৃষভ-বাহনে ।
 ধূপরূপ পরিমল অদূর কাননে
 পেয়ে, বহিতেছে তাহে হেথা কুতূহলে
 মলয় ; কৌমুদী, দেখ, রজত-চরণে
 বীচি-রব-রূপ পরি নুপুর, চঞ্চলে
 নাচিছে ; আচার্য্য-রূপে এই তরু-পতি
 উচ্চারিছে বীজমন্ত্র । নীরবে অশ্বরে,
 তারাদলে তারানাথ করেন শ্রুণতি
 (বোধ হয়) আরাধিয়া দেবেশ শঙ্করে ।
 তুমিও, লো কল্লোলিনি, মহাব্রতে ব্রতী,—
 সাজায়েছ, দিব্য সাজে, বর-কলেবরে ।

ছারাপথ

কহ মোরে, শশিপ্রিয়ে, কহ, কৃপা করি,
 কার হেতু নিত্য তুমি সাজাও গগনে,
 এ পথ,—উজ্জ্বল কোটি মণির কিরণে ?
 এ সুপথ দিয়া কি গো ইন্দ্রাণী সুন্দরী
 আনন্দে ভেটিতে যান নন্দন-সদনে
 মহেন্দ্রে, সঙ্গতে শত বরাজী অঙ্গরী,
 মলিনি ক্ষণেক কাল চারু তারা-গণে—
 সৌন্দর্য্যে ?—এ কথা দাসে কহ, বিভাবরি !
 রাণী তুমি ; নীচ আমি ; তেঁই ভয় করে,
 অশুচিত বিবেচনা পার করিবারে
 আলাপ আমার সাথে ; পবন-কিঙ্করে,—
 ফুল-কুল সহ কথা কহ দিয়া যারে,
 দেও কয়ে ; কহিবে সে কানে, মুহুর্ষরে,
 যা কিছু ইচ্ছহ, দেবি, কহিতে আমারে !

কুম্ভে কীট

কি পাপে, কহ তা মোরে, লো বন-সুন্দরি.
 কোমল হৃদয়ে তব পশিল,—কি পাপে—
 এ বিষম যমদূত ? কাঁদে মনে করি
 পরাণ যাতনা তব ; কত যে কি তাপে
 পোড়ায় ছরস্তু তোমা, বিষদস্তে হরি
 বিরাম দিবস নিশি ! মূদে কি বিলাপে
 এ তোমার দুখ দেখি সখী মধুকরী,
 উড়ি পড়ি তব গলে যবে লো সে কাঁপে ?

বিষাদে মলয় কি লো, কহ, সুবদনে,
 নিখাসে তোমার ক্লেশে, যবে লো সে আসে
 যাচিতে তোমার কাছে পরিমল-ধনে ?
 কানন-চন্দ্রিমা তুমি কেন রাছ-গ্রাসে ?
 মনস্তাপ-রূপে রিপু, হায়, পাপ-মনে,
 এইরূপে, রূপবতি, নিত্য সুখ নাশে ।

২৭

বটরুক্ষ

দেব-অবতার ভাবি বন্দে যে তোমারে,
 নাহি চাহে মনঃ মোর তাহে নিলা করি,
 তরুরাজ ! প্রত্যক্ষতঃ ভারত-সংসারে,
 বিধির করুণা তুমি তরু-রূপ ধরি ।
 জীবকুল-হিতৈষিনী, ছায়া সু-সুন্দরী,
 তোমার ছুহিতা, সাধু ! যবে বসুধারে
 দগধে আগ্নেয় তাপে, দয়া পরিহরি,
 মিহির, আকুল জীব বাঁচে পূজি তাঁরে ।
 শত-পত্রময় মঞ্চে, তোমার সদনে,
 খেচর—অতিথি-ব্রজ, বিরাজে সত্তত,
 পদ্মরাগ ফলপুঞ্জে ভুঞ্জি হ্রষ্ট-মনে ;—
 মৃচ্ছ-ভাষে মিষ্টালাপ কর তুমি কত,
 মিষ্টালাপি, দেহ-দাহ শীতলি যতনে ।
 দেব নহ ; কিন্তু গুণে দেবতার মত ।

২৮

সৃষ্টিকর্তা

কে সৃষ্টিলা এ সুবিশ্বে, জিজ্ঞাসিব কারে
 এ রহস্য কথা, বিশ্বে আমি মন্দমতি ?

পার যদি, তুমি দাসে কহ, বসুমতি ;—
 দেহ মহা-দীক্ষা, দেবি, ভিক্ষা, চিনিবারে
 তাঁহায়, প্রসাদে যঁার তুমি, রূপবতি,—
 ভ্রম অসম্ভমে শূণ্ণে । কহ, হে আমারে,
 কে তিনি, দিনেশ রবি, করি এ মিনতি,
 যঁার আদি জ্যোতিঃ, হেম-আলোক সঞ্চারে
 তোমার বদন, দেব, প্রত্যহ উজ্জলে ?—
 অধম চিনিতে চাহে সে পরম জনে,
 যঁাহার প্রসাদে তুমি নক্ষত্র-মণ্ডলে
 কর কেলি নিশাকালে রজত-আসনে,
 নিশানাথ । নদকুল, কহ কলকলে,
 কিম্বা তুমি, অশ্রুপতি, গম্ভীর স্বননে ।

২২

সূর্য্য

এখনও আছে লোক দেশ দেশান্তরে
 দেব ভাবি পূজে তোমা, রবি দিনমণি,
 দেখি তোমা দিবামুখে উদয়-শিখরে,
 লুটায়ৈ ধরণীতলে, করে স্তুতি-ধ্বনি ;
 আশ্চর্য্যের কথা, সূর্য্য, এ না মনে গণি ।
 অসীম মহিমা তব, যখন প্রথরে
 শোভ তুমি, বিভাবসু, মধ্যাহ্নে অম্বরে
 সমুজ্জল করজ্বালে আবারি মেদিনী ।
 অসীম মহিমা তব, অসীম শকতি,
 হেম-জ্যোতিঃ-দাতা তুমি চন্দ্র-গ্রহ-দলে ;
 উর্ধ্বরী তোমার বীর্ঘ্যে সতী বসুমতী ;
 বারিদ, প্রসাদে তব, সদা পূর্ণ জলে ;—

কিস্ত কি মহিমা তাঁর, কহ, দিনপতি,
কোটি রবি শোভে নিত্য ঝাঁর পদতলে ।

৩০

সীতাদেবী

অমুক্ণ মনে মোর পড়ে তব কথা,
বৈদেহি ! কখন দেখি, মুদিত নয়নে,
একাকিনী তুমি, সতি, অশোক-কাননে,
চারি দিকে চেড়ীবৃন্দ, চন্দ্রকলা যথা
আচ্ছন্ন মেঘের মাঝে । হায়, বহে বৃথা
পদ্মাক্ষি, ও চক্ষুঃ হতে অশ্রু-ধারা ঘনে !
কোথা দাশরথি শূর—কোথা মহারথী
দেবর লক্ষ্মণ, দেবি, চিরজয়ী রণে ?
কি সাহসে, স্নকেশিনি, হরিল তোমারে
রাক্ষস ? জানে না মূঢ়, কি ঘটবে পরে !
রাজ-গ্রহ-রূপ ধরি বিপত্তি আধারে
জ্ঞান-রবি, যবে বিধি বিড়ম্বন করে ।
মজ্জিবে এ রক্ষাবংশ, খ্যাত ত্রিসংসারে,
ভুকম্পনে দ্বীপ যথা অতল সাগরে ।

৩১

মহাভারত

কল্পনা-বাহনে স্মৃখে করি আরোহণ,
উতরিমু, যথা বসি বদরীর তলে,
করে বীণা, গাইছেন গীত কুতূহলে
সত্যবতী-স্মৃত কবি,—ঋষিকুল-ধন !
শুনিমু গম্ভীর ধ্বনি ; উন্মীলি নয়ন
দেখিমু কৌরবেশ্বরে, মস্ত বাহুবলে ;

দেখিষু পবন-পুত্রে, ঝড় যথা চলে
 ছুঙ্কারে । আইলা কর্ণ—সূর্য্যের নন্দন—
 তেজস্বী । উজ্জলি যথা ছোটে অনশ্বরে
 নক্ষত্র, আইলা ক্ষেত্রে পার্থ-মহামতি,
 আলো করি দশ দিশ, ধরি বাম করে
 গাণ্ডীব—প্রচণ্ড-দণ্ড-দাতা রিপু প্রতি ।
 তরাসে আকুল হৈষু এ কাল সমরে,
 দ্বাপরে গোগৃহ-রণে উত্তর যেমতি ।

৩২

নন্দন-কানন

লও দাসে, হে ভারতি, নন্দন-কাননে,
 যথা ফোটে পারিজাত ; যথায় উর্ব্বশী,—
 কামের আকাশে বামা চির-পূর্ণ-শশী,—
 নাচে করতালি দিয়া বীণার স্বননে ;
 যথা রস্তা, তিলোত্তমা, অলকা রূপসী
 মোহে মনঃ সুমধুর স্বর বরিষণে,—
 মন্দাকিনী বাহিনীর স্বর্ণ তীরে বসি,
 মিশায়ে স্ন-কঠ-রব বীচির বচনে ।
 যথায় শিশিরের বিন্দু ফুল ফুল-দলে
 সদা সতঃ ; যথা অলি সতত গুঞ্জরে ;
 বহে যথা সমীরণ বহি পরিমলে ;
 বসি যথা শাখা-মুখে কোকিল কুহরে ;
 লও দাসে ; আঁখি দিয়া দেখি তব বলে
 ভাব-পটে কল্পনা যা সদা চিত্র করে ।

৩৩

সরস্বতী

তপনের তাপে তাপি পথিক যেমতি
 পড়ে গিয়া দড়ে রড়ে ছায়ার চরণে ;
 তৃষাতুর জন যথা হেরি জলবতী
 নদীরে, তাহার পানে ধায় ব্যগ্র মনে
 পিপাসা-নাশের আশে ; এ দাস তেমতি,
 জ্বলে যবে প্রাণ তার হৃৎকের জ্বলনে,
 ধরে রাঙা পা ছুখানি, দেবি সরস্বতি !—
 মার কোল-সম, মা গো, এ বঁতিন ভুবনে
 আছে কি আশ্রম আর ? নয়নের জলে
 ভাসে শিশু যবে, কে সাম্বনে তারে ?
 কে মোচে আঁখির জল অমনি আঁচলে ?
 কে তার মনের খেদ নিবারিতে পারে,
 মধুমাখা কথা কয়ে, স্নেহের কৌশলে ?—
 এই ভাবি, কৃপাময়ি, ভাবি গো তোমারে !

৩৪

কপোতাক্ষ নদ

সতত, হে নদ, তুমি পড় মোর মনে ।
 সতত তোমার কথা ভাবি এ বিরলে ;
 সতত (যেমতি লোক নিশার স্বপনে
 শোনে মায়া-যন্ত্রধ্বনি) তব কলকলে
 জুড়াই এ কান আমি ত্রাস্তির ছলনে !—
 বহু দেশে দেখিয়াছি বহু নদ-দলে,
 কিন্তু এ স্নেহের তৃষ্ণা মিটে কার জলে ?
 হৃৎ-স্রোতোরূপী তুমি জন্ম-ভূমি-স্বনে ।

আর কি হে হবে দেখা ?—যত দিন যাবে,
 প্রজ্ঞারূপে রাজরূপ সাগরেরে দিতে
 বারি-রূপ কর তুমি ; এ মিনতি, গাবে
 বজ্রজ-জনের কানে, সখে, সখা-রীতে
 নাম তার, এ প্রবাসে মজ্জি প্রেম-ভাবে
 লইছে যে তব নাম বজ্রের সঙ্গীতে !

৩৫

ঈশ্বরী পাটনী

“সেই ঘাটে খেঁয়া দেয় ঈশ্বরী পাটনী।”

অন্নদামঙ্গল ।

কে তোর তরিতে বসি, ঈশ্বরী পাটনি ?
 ছলিতে তোরে রে যদি কামিনী কমলে—
 কোথা করী, বাম করে ধরি যারে বলে,
 উগরি, গ্রাসিল পুনঃ পূর্বে স্মবদনী ?
 রূপের খনিতে আর আছে কি রে মণি
 এর সম ? চেয়ে দেখ, পদ-ছায়া-ছলে,—
 কনক কমল ফুল এ নদীর জলে—
 কোন্ দেবতারে পূজি, পেলি এ রমণী ?
 কাঠের সঁউতি তোর, পদ-পরশনে
 হইতেছে স্বর্ণময় । এ নব যুবতী—
 নহে রে সামান্য নারী, এই লাগে মনে ;
 বলে বেয়ে নদী-পারে যা রে শীত্ৰগতি ।
 মেগে নিস, পার করে, বর-রূপ ধনে
 দেখায়ে ভকতি, শোন, এ মোর যুক্তি ।

৩৬

বসন্তে একটি পাখীর প্রতি

নহ তুমি পিক, পাখি, বিখ্যাত ভারতে,
 মাধবের বার্তাবহ ; যার কুহরণে
 ফোটে কোটি ফুল-পুঞ্জ মঞ্জু কুঞ্জবনে ।—
 তবুও সঙ্গীত-রঙ্গ করিছ যে মতে
 গায়ক, পুলক তাহে জনমে এ মনে ।
 মধুময় মধুকাল সর্বত্র জগতে,—
 কে কোথা মলিন কবে মধুর মিলনে,
 বসুমতী সতী যবে রত প্রেমভ্রতে ?—
 ছরন্তু কৃতান্ত-সম হেমন্ত এ দেশে*
 নির্দয় ; ধরার কষ্টে ছুঁই তুঁই অতি ।
 না দেয় শোভিতে কভু ফুলরঙ্গে কেশে,
 পরায় ধবল বাস বৈধব্যে যেমতি ।—
 ডাক তুমি ঋতুরাজে, মনোহর বেশে
 সাজাতে ধরায় আসি, ডাক শীঘ্রগতি ।

* ফরাসী দেশে ।

৩৭

প্রাণ

কি সুরাজ্যে, প্রাণ, তব রাজ-সিংহাসন
 বাহু-রূপে ছই রথী, ছুর্জয় সমরে,
 বিধির বিধানে পুরী তব রক্ষা করে ;—
 পঞ্চ অনুচর তোমা সেবে অমুক্ষণ ।
 সুহাসে আণেরে গন্ধ দেয় ফুলবন ;
 যতনে আবণ আনে সুমধুর স্বরে ;

সুন্দর যা কিছু আছে, দেখায় দর্শন
 ভূতলে, সুনীল নভে, সর্ব্ব চরাচরে !
 স্পর্শ, স্বাদ, সদা ভোগ যোগায়, সুমতি !
 পদরূপে তুই বাজী তব রাজ-দ্বারে ;
 জ্ঞান-দেব মন্ত্রী তব—ভবে বৃহস্পতি ;—
 সরস্বতী অবতার রসনা সংসারে !
 স্বর্ণশ্রোতোরূপে লজ্জ, অবিরল-গতি,
 বহি অঙ্গে, রঙ্গে ধনী করে হে তোমারে !

কল্পনা

লও দাসে সঙ্গে রঙ্গে, হেমাঙ্গি কল্পনে,
 বাগ্দেরী প্রিয়সখি, এই ভিক্ষা করি ;
 হায়, গতিহীন আমি দৈব-বিড়ম্বনে,—
 নিকুঞ্জ-বিহারী পাখী পিঞ্জর-ভিতরি !
 চল যাই মনানন্দে গোকুল-কাননে,
 সরস বসন্তে যথা রাধাকান্ত হরি
 নাচিছেন, গোপীচয়ে নাচায় ; সঘনে
 পুরি বেগুরবে দেশ ! কিম্বা, শুভঙ্করি,
 চল লো, আতঙ্কে যথা লঙ্কায় অকালে
 পূজেন উমায় রাম, রঘুরাজ-পতি ;
 কিম্বা সে ভীষণ ক্ষেত্রে, যথা শরঙ্গালে
 নাশিছেন ক্ষত্রকূলে পার্থ মহামতি ।—
 কি স্বরণে, কি মরণে, অতল পাতালে,
 নাহি স্থল যথা, দেবি, নহে তব গতি !

৩৯

রাশি-চক্র

রাজপথে, শোভে যথা, রম্য-উপবনে,
 বিরাম-আলয়বৃন্দ ; গড়িলা তেমতি
 দ্বাদশ মন্দির বিধি, বিবিধ রতনে,
 তব নিত্য পথে শূন্যে, রবি, দিনপতি !
 মাস কাল প্রতি গৃহে তোমার বসতি,
 এহেতু ; প্রবেশ তব কখন সূক্ষ্মে,—
 কখন বা প্রতিকূল জীব-কূল প্রতি !
 আসে বিরামালয়ে সেবিতে চরণে
 গ্রহব্রজ ; প্রজাব্রজ, রাজাসন-তলে
 পূজে রাজপদ যথা ; তুমি, তেজাকর,
 হৈমময় তেজঃ-পূঞ্জ প্রসাদের ছলে,
 প্রদান প্রসন্ন ভাবে সবার উপর ।
 কাহার মিলনে তুমি হাস কুতূহলে,
 কাহার মিলনে বাম,—শুনি পরস্পর ।

৪০

সুভদ্রা-হরণ

তোমার হরণ-গীত গাব বঙ্গাসরে
 নব তানে, ভেবেছিমু, সুভদ্রা সুন্দরি ;
 কিন্তু ভাগ্যদোষে, শুভে, আশার লহরী
 শুখাইল, যথা গ্রীষ্মে জলরাশি সরে ।
 ফলে কি ফুলের কলি যদি প্রেমাদরে
 না দেন শিশিরামৃত তারে বিভাবরী ?
 যুতাহুতি না পাইলে, কুণ্ডের ভিতরে,
 ত্রিয়মাণ, অভিমানে তেজঃ পরিহরি,

বৈশ্বানর ! ছরদৃষ্ট মোর, চন্দ্রাননে,
 কিস্ত (ভবিষ্যৎ কথা কহি) ভবিষ্যতে
 ভাগ্যবান্তর কবি, পুঞ্জি দ্বৈপায়নে,
 ঋষি-কুল-রত্ন দ্বিজ, গাবে লো ভারতে
 তোমার হরণ-গীত ; তুষ্টি বিজ্ঞ জনে,
 লভিবে সুযশঃ, সাজি এ সঙ্গীত-ব্রতে ।

৪১

মধুকর

শুনি শুন শুন ধ্বনি তোর এ কাননে,
 মধুকর, এ পরাণ কাঁদে রে বিষাদে ।—
 ফুল-কুল-বধু-দলে সাধিস্ যতনে
 অনুক্ষণ, মাগি ভিক্ষা অতি মুছ নাদে,
 তুমকৌ বাজায়ে যথা রাজার তোরণে
 ভিখারী, কি হেতু তুই ? ক মোরে, কি সাদে
 মোমের ভাণ্ডারে মধু রাখিস্ গোপনে,
 ইন্দ্র যথা চন্দ্রলোকে, দানব-বিবাদে,
 সুধামৃত ? এ আয়াসে কি সুফল ফলে ?
 কৃপণের ভাগ্য তোর ! কৃপণ যেমতি
 অনাহারে, অনিদ্রায়, সঙ্কয়ে বিকলে
 বৃথা অর্থ ; বিধি-বশে তোর সে ছুর্গতি ।
 গৃহ-চ্যুত করি তোর, লুটি লয় বলে,
 পর জন পরে তোর শ্রমের সঙ্গতি ।

৪২

নদী-তীরে প্রাচীন দ্বাদশ শিব-মন্দির

এ মন্দির-বৃন্দ হেথা কে নিশ্চিল কবে ?
 কোন্ জন ? কোন্ কালে ? জিজ্ঞাসিব কারে ?

কহ মোরে, কহ তুমি কল কল রবে,
 ভুলে যদি, কল্লোলিনি, না থাক লো তারে !
 এ দেউল-বর্গ গাঁধি উৎসর্গিল যবে
 সে জন, ভাবিল কি সে, মাতি অহঙ্কারে,
 থাকিবে এ কীর্তি তার চিরদিন ভবে,
 দীপরূপে আলো করি বিশ্ব্বুতি-আঁধারে ?
 বৃথা ভাব, প্রবাহিণি, দেখ ভাবি মনে ।
 কি আছে লো চিরস্থায়ী এ ভবমণ্ডলে ?
 গুঁড়া হয়ে উড়ি যায় কালের পীড়নে
 পাথর ; ছুতাশে তার কি খাতু না গলে ?—
 কোথা সে ? কোথা বা নাম ? ধন ? লো ললনে ?
 হায়, গত, যথা বিশ্ব্ব তব চল জলে !

৪৩

ভরসেল্‌স নগরে রাজপুরী ও উজ্জান

কত যে কি খেলা তুই খেলিস্ ভুবনে,
 রে কাল, ভুলিতে কে তা পারে এই স্থলে ?
 কোথা সে রাজেশ্বর এবে, যার ইচ্ছা-বলে
 বৈজয়ন্ত-সম ধাম এ মর্ত্য-নন্দনে
 শোভিল ? হরিল কে সে নরাঙ্গরা-দলে,
 নিত্য যারা, নৃত্যগীতে এ সুখ-সদনে,
 মজাইত রাজ-মনঃ, কাম-কুতূহলে ?
 কোথা বা সে কবি, যারা বৌগার স্বননে,
 (কথারূপ ফুলপুঞ্জ ধরি পুট করে)
 পূজিত সে রাজপদ ? কোথা রথী যত,
 গাণ্ডৌবি-সদৃশ যারা প্রচণ্ড সমরে ?
 কোথা মন্ত্রী বৃহস্পতি ? তোর হাতে হত ।

রে ছরস্ত, নিরস্তর যেমত সাগরে
চলে জল, জীব-কূলে চালাস্ সে মত ।

৪৪

কিরাত-আজু নীরম্

ধর ধহুঃ সাবধানে পার্থ মহামতি ।
সামান্য মেনো না মনে, ধাইছে যে জন
ক্রোধভরে তব পানে । ওই পশুপতি,
কিরাতের রূপে তোমা করিতে ছলন ।
ছাড়ারি আসিছে ছদ্মী মৃগরাজ-গতি,
ছাড়ারি, হে মহাবাহু, দেহ তুমি রণ ।
বীর-বীর্যে আশা-লতা কর ফলবতী—
বীরবীর্যে আশুতোষে তোষ, বীর-ধন ।
করেছ কঠোর তপঃ এ গহন বনে ;
কিন্তু, হে কৌশ্লেয়, কহি, যাচিছ যে শর,
বীরতা-ব্যতীত, বীর, হেন অস্ত্র-ধনে
নারিবে লভিতে কতু,—তুল্লভ এ বর !—
কি লাজ, অর্জুন, কহ, হারিলে এ রণে ?
মৃত্যুঞ্জয় রিপু তব, তুমি, রথি, নর ।

৪৫

পরলোক

আলোক-সাগর-রূপ রবির কিরণে,
ডুবে যথা প্রভাতের তারা সুহাসিনী ;—
ফুটে যথা প্রেমামোদে, আইলে যামিনী,
কুসুম-কূলের কলি কুসুম-যৌবনে ;—
বহি যথা সুপ্রবাহে প্রবাহ-বাহিনী,
লভে নিরবাণ সুখে সিদ্ধুর চরণে ;—

এই রূপে ইহ লোক—শাস্ত্রে এ কাহিনী—
 নিরন্তর সুখরূপ পরম রতনে
 পায় পরে পর-লোকে, ধরমের বলে ।
 হে ধর্ম, কি লোভে তবে তোমারে বিন্মরি,
 চলে পাপ-পথে নর, ভুলি পাপ-ছলে ?
 সংসার-সাগর-মাঝে তব স্বর্ণতরি
 তেয়াগি, কি লোভে ডুবে বাতময় জলে ?
 ছ দিন বাঁচিতে চাহে, চির দিন মরি ?

৪৬

বঙ্গদেশে এক মান্য বন্ধুর উপলক্ষে

হায় রে, কোথা সে বিছা, যে বিছার বলে,
 দূরে থাকি পার্থ রথী তোমার চরণে
 প্রণমিলা, দ্রোণগুরু ! আপন কুশলে
 তুষিলা তোমার কর্ণ গোগৃহের রণে ?
 এ মম মিনতি, দেব, আসি অকিঞ্চনে
 শিখাও সে মহাবিছা এ দূর অঞ্চলে ।
 তা হলে, পূজিব আজি, মজি কুতূহলে,
 মানি য়ারে, পদ তাঁর ভারত-ভবনে ।
 নমি পায়ে কব কানে অতি যুত্বরে,—
 বেঁচে আছে আজু দাস তোমার প্রসাদে ;
 অচিরে ফিরিব পুনঃ হস্তিনা-নগরে ;
 কেড়ে লব রাজ-পদ তব আশীর্ব্বাদে ।—
 কত যে কি বিছা-লাভ দ্বাদশ বৎসরে
 করিহু, দেখিবে, দেব, স্নেহের আঙ্ল্লাদে ।

শ্মশান

বড় ভাল বাসি আমি ভ্রমিতে এ স্থলে,—
 তব্ব-দীক্ষা-দায়ী স্থল জ্ঞানের নয়নে ।
 নীরবে আসীন হেথা দেখি ভ্রম্মাসনে
 মৃত্যু—তেজোহীন আঁধি, হাড়-মালা গলে,
 বিকট অধরে হাসি, যেন ঠাট-ছলে ।
 অর্থের গৌরব বৃথা হেথা—এ সদনে—
 রূপের প্রফুল্ল ফুল শুষ্ক ছতাশনে,
 বিছা, বুদ্ধি, বল, মান, বিফল সকলে ।
 কি সুন্দর অট্টালিকা, কি কুটীর-বাসী,
 কি রাজা, কি প্রজা, হেথা উভয়ের গতি ।
 জীবনের শ্রোতঃ পড়ে এ সাগরে আসি ।
 গহন কাননে বায়ু উড়ায় যেমতি
 পত্র-পুঞ্জ, আয়ু-কুঞ্জ, কাল, জীব-রাশি
 উড়ায়, এ নদ-পাড়ে তাড়ায় তেমতি ।

করুণ-রস

সুন্দর নদের তীরে হেরিহু সুন্দরী
 বামারে, মলিন-মুখী, শরদের শশী
 রাহুর তরাসে যেন । সে বিরলে বসি,
 মূদে কাঁদে সুবদনা ; ঝরঝরে ঝরি,
 গলে অশ্রু-বিন্দু, যেন মুক্তা-ফল খসি ।
 সে নদের শ্রোতঃ অশ্রু পরশন করি,
 ভাসে, ফুল কমলের স্বর্ণকাস্তি ধরি,
 মধুলোভী মধুকরে মধুরসে রসি,

গঙ্কামোদী গন্ধবহে সুগন্ধ প্রদানি ।
 না পারি বুঝিতে মায়া, চাহিষু চঞ্চলে
 চৌদিকে ; বিজন দেশ ; হৈল দেব-বাণী ;—
 “কবিতা-রসের স্রোতঃ এ নদের ছলে ;
 করুণা বামার নাম—রস-কূলে রাণী ;
 সেই ধন্য, বশ সতী যার তপোবলে ।”

৪৯

সীতা-বনবাসে

ফিরাইলা বনপথে অতি ক্ষুধা মনে
 সুরথী লক্ষ্মণ রথ, তিত্তি চক্ষুঃ-জলে ;—
 উজ্জলিল বন-রাজী কনক কিরণে
 স্তন্দন, দিনেন্দ্র যেন অস্ত্রের অচলে ।
 নদী-পারে একাকিনী সে বিজন বনে
 দাঁড়ায়ে, কহিলা সতী শোকের বিহ্বলে ;—
 “ত্যাঁজিলা কি, রঘু-রাজ, আজি এই ছলে
 চির জন্মে জানকীরে ? হে নাথ ! কেমনে—
 কেমনে বাঁচিবে দাসী ও পদ-বিরহে ?
 কে, কহ, বারিদ-রূপে, স্নেহ-বারি দানে,
 (দাবানল-রূপে যবে ছুখানল দহে)
 কুড়াবে, হে রঘুচূড়া, এ পোড়া পরাণে ?”
 নীরবিলা ধীরে সাধ্বী ; ধীরে যথা রহে
 বাহু-জ্ঞান-শূন্য মূর্ত্তি, নির্মিত পাষণে ।

কত রূপে কাঁদি পুনঃ কহিলা স্তন্দরী ;—
 “নিদ্রায় কি দেখি, সত্য ভাবি কুস্বপনে ।

হায়, অভাগিনী সীতা ! ওই যে সে তরি,
 যাহে বহি বৈদেহীরে আনিলা এ বনে
 দেবর ! নদীর শ্রোতে একাকিনী, মরি !—
 কাঁপি ভয়ে ভাসে ডিঙ্গা কাণ্ডারী-বিহনে !
 অচিরে তরঙ্গ-চয়, নিষ্ঠুরে লো ধরি,
 গ্রাসিবে, নতুবা পাড়ে তাড়ায়, পীড়নে
 ভাঙ্গি বিনাশিবে ওরে ! হে রাঘব-পতি,
 এ দশা দাসীর আজি এ সংসার-জলে !
 ও পদ ব্যতীত, নাথ, কোথা তার গতি !”—
 মুছায় পড়িলা সতী সহসা ভূতলে,
 পাষণ-নির্মিত মূর্ত্তি কাননে যেমতি
 পড়ে, বহে ঝড় যবে প্রলয়ের বলে ।

৫১

বিজয়া-দশমী

“যেয়ো না, রজনি, আজি লয়ে তারাদলে ।
 গোলে তুমি, দয়াময়ি, এ পরাণ যাবে ।—
 উদিলে নির্দয় রবি উদয়-অচলে,
 নব্বনের মণি মোর নয়ন হারাবে ।
 বার মাস তিতি, সত্যি, নিত্য অশ্রুজলে,
 পেয়েছি উন্নয় আমি ! কি সাহসনা-ভাবে—
 তিনটি দিনেতে, কহ, লো তারা-কুন্তলে,
 এ দীর্ঘ বিরহ-জ্বালা এ মন জুড়াবে ?
 তিন দিন স্বর্ণদীপ জ্বলিতেছে ঘরে
 দূর করি অন্ধকার ; শুনিতেছি বাণী—
 মিষ্টতম এ সৃষ্টিতে এ কর্ণ-কুহরে ।
 দ্বিগুণ আঁধার ঘর হবে, আমি জানি,

নিবাও এ দীপ যদি !”—কহিলা কাতরে
নবমীর নিশা-শেষে গিরীশের রাণী ।

৫২

কোজাগর-লক্ষ্মীপূজা

শোভ নভে, নিশাপতি, এবে হে বিমলে ।—
হেমাঙ্গি রোহিণি, তুমি, অঙ্গ-ভঙ্গি করি,
ছলাছলি দিয়া নাচ, তারা-সঙ্গি-দলে ।—
জান না কি কোন্ ব্রতে, লো সুর-সুন্দরি,
রত ও নিশায় বঙ্গ ? পূজে কুতূহলে
রমায় শ্যামাঙ্গী এবে, নিজা পরিহরি ;
বাজে শাঁখ, মিলে ধূপ ফুল-পরিমলে ।
ধন্য তিথি ও পূর্ণিমা, ধন্য বিভাবরী !
স্বদয়-মন্দিরে, দেবি, বন্দি এ প্রবাসে
এ দাস, এ ভিক্ষা আজি মাগে রাঙা পদে,—
থাক বঙ্গ-গৃহে, যথা মানসে, মা, হাসে
চিররুচি কোকনদ ; বাসে কোকনদে
সুগন্ধ ; সুরভ্রে জ্যোৎস্না ; সূতারা আকাশে ;
শুক্লির উদরে মুক্তা ; মুক্তি গঙ্গা-হৃদে ।

৫৩

বীর-রস

ভৈরব-আকৃতি শূরে দেখিমু নয়নে
গিরি-শিরে ; বায়ু-রথে, পূর্ণ ইরশ্মদে,
প্রলয়ের মেঘ যেন ! ভীম শরাসনে
ধরি বাম করে বীর, মত্ত বীর-মদে,
টঙ্কারিছে মুহুমুহুঃ, জঙ্কারি ভীষণে ।
ব্যোমকেশ-সম কায় ; ধরাভল পদে,

রতন-মণ্ডিত শিরঃ ঠেকিছে গগনে,
 বিজলী-ঝলসা-রূপে উজলি জলদে ।
 চাঁদের পরিধি, যেন রাজ্বর গরাসে,
 ঢালখান ; উরু-দেশে অসি তীক্ষ্ণ অতি,
 চৌদিকে, বিবিধ অস্ত্র । সুধিহু তরাসে,—
 “কে এ মহাজন, কহ, গিরি মহামতি ?”
 আইল শব্দ বহি স্তবধ আকাশে—
 “বীর-রস এ বীরেন্দ্র, রস-কুল-পতি !”

৫৪

গদা-যুদ্ধ

হুই মস্ত হস্তী যথা উর্দ্ধ শুণ্ড করি,
 রক্ত-বরণ আঁখি, গরজে সঘনে,—
 ঘুরায়ে ভীষণ গদা-শূন্যে, কাল রণে,
 গরজিলা হৃষ্যোধন, গরজিলা অরি
 ভীমসেন । ধূলা-রাশি, চরণ-তাড়নে
 উড়িল ; অধীরে ধরা ধর ধর ধরি
 কাঁপিয়া ;—টলিল গিরি সে ঘন কম্পনে ;
 উথলিল দ্বৈপায়নে জলের লহরী,
 ঝড়ে যেন ! যথা মেঘ, বজ্রানলে ভরা,
 বজ্রানলে ভরা মেঘে আঘাতিলে বলে,
 উজলি চৌদিক তেজে, বাহিরায় ধরা
 বিজলী ; গদায় গদা লাগি রণ-স্থলে,
 উগরিল অগ্নি-কণা দরশন-হরা !
 আতঙ্কে বিহঙ্গ-দল পড়িল ভূতলে ॥

৫৫

গোগৃহ-রণে

ছছকারি টঙ্কারিলা ধমুঃ ধমুর্কারী
 ধনঞ্জয়, মৃত্যুঞ্জয় প্রলয়ে যেমতি ।
 চৌদিকে ঘেরিল বীরে রথ সারি সারি,
 স্থির বিজলীর তেজঃ, বিজলীর গতি ।—
 শর-জালে শূর-ব্রজে সহজে সংহারি
 শূরেন্দ্র, শোভিলা পুনঃ যথা দিনপতি,
 প্রথর কিরণে মেঘে খ-মুখে নিবারি,
 শোভেন অম্লানে নভে । উত্তরের প্রতি
 কহিলা আনন্দে বলা ;—“চালাও স্তম্ভনে,
 বিরাট-নন্দন, ক্রতে, যথা সৈন্য-দলে
 লুকাইছে ছর্যোখন হেরি মোরে রণে,
 তেজস্বী মৈনাক যথা সাগরের জলে
 বজ্রাগ্নির কাল তেজে ভয় পেয়ে মনে ।—
 দণ্ডিব প্রচণ্ডে ছুটে গাণ্ডীবের বলে ।”

৫৬

কুরুক্ষেত্রে

যথা দাবানল বেড়ে অনল-প্রাচীরে
 সিংহ-বৎসে । সপ্ত রথী বেড়িলা তেমতি
 কুমারে । অনল-কণা-রূপে শর, শিরে
 পড়ে পুঞ্জ পুঞ্জ পুড়ি, অনিবার-গতি ।
 সে কাল অনল-তেজে, সে বনে যেমতি
 রোষে, ভয়ে সিংহ-শিশু গরজে অস্থিরে,
 গরজিলা মহাবাহু চারি দিকে ফিরে
 রোষে, ভয়ে । ধরি ঘন ধূমের মুরতি,

উড়িল চৌদিকে ধূলা, পদ-আফালনে
 অশ্বের । নিশ্বাস ছাড়ি আর্জুনি বিষাদে,
 ছাড়িলা জীবন-আশা তরুণ যৌবনে ।
 আঁধারি চৌদিক যথা রাহু গ্রাসে চাঁদে,
 গ্রাসিলা বীরেশে যম । অশ্বের শয়নে
 নিদ্রা গেলা অভিমন্যু অশ্রায় বিবাদে ।

৫৭

শৃঙ্গার-রস

শুনিমু নিদ্রায় আমি, নিকুঞ্জ-কাননে,
 মনোহর বীণা-ধ্বনি ;—দেখিমু সে স্থলে
 রূপস পুরুষ এক কুসুম-আসনে,
 ফুলের চৌপরি শিরে, ফুল-মালা গলে ।
 হাত ধরাধরি করি নাচে কুতূহলে
 চৌদিকে রমণী-চয়, কামাগ্নি-নয়নে,—
 উজ্জলি কানন-রাজি বরাজ-ভূষণে,
 ব্রজে যথা ব্রজাঙ্গনা রাস-রঙ্গ-ছলে ।
 সে কামাগ্নি-কণা লয়ে, সে যুবক, হাসি,
 জ্বালাইছে হিয়াবৃন্দে ; ফুল-ধনুঃ ধরি,
 হানিতেছে চারি দিকে বাণ রাশি রাশি,
 কি দেব, কি নর, উভে জর জর করি ।
 “কামদেব অবতার রস-কূলে আসি,
 শৃঙ্গার রসের নাম ।” জাগিমু শিহরি ।

৫৮

* * * *

নহি আমি, চারু-নেত্রী, সৌমিত্রি কেশরী ;
 তবে কেন পরাভূত না হব সমরে ?

চন্দ্র-চূড়-রথী তুমি, বড় ভয়ঙ্করী,
 মেঘনাদ-সম শিক্ষা মদনের বরে ।
 গিরির আড়ালে থেকে, বাঁধ, লো সুন্দরি,
 নাগ-পাশে অরি তুমি ; দশ গোটা শরে
 কাট গণ্ডদেশ তার, দণ্ড লো অধরে ;
 মুহুমূহুঃ ভুকম্পনে অধীর লো করি !—
 এ বড় অদ্ভুত রণ ! তব শঙ্খ-ধ্বনি
 শুনিলে টুটে লো বল । শ্বাস-বায়ু-বাণে
 ধৈর্য-কবচ তুমি উড়ায়ে, রমণি,
 কটাক্ষের তীক্ষ্ণ অস্ত্রে বিঁধ লো পরাণে ।—
 এতে দিগম্বরী-রূপ যদি, সুবদনি,
 ত্রস্ত হয়ে ব্যস্তে কে লো পরাস্ত না মানে ?

৫৯

সুভদ্রা

যথা ধীরে স্বপ্ন-দেবী রঞ্জে সঞ্জে করি
 মায়া-নারী—রত্নোত্তমা রূপের সাগরে,—
 পশিলা নিশায় হাসি মন্দিরে সুন্দরী
 সত্যভামা, সাথে ভদ্রা, ফুল-মালা করে ।
 বিমলিল দীপ-বিভা ; পুরিল সত্বরে
 সৌরভে শয়নাগার, যেন ফুলেশ্বরী
 সরোজিনী প্রফুল্লিলা আচম্বিতে সরে,
 কিম্বা বনে বন-সখী স্নাগকেশরী ।
 শিহরি জাগিলা পার্থ, যেমতি স্বপনে
 সস্তোগ-কৌতুকে মাতি স্তপ্ত জন জাগে ;—
 কিস্ত কাঁদে প্রাণ তার সে কু-জাগরণে,
 সাথে সে নিজায় পুনঃ বৃথা অমুরাগে ।

তুমি, পার্থ, ভাগ্য-বলে জাগিলা সূক্ষণে,
মরতে স্বরগ-ভোগ ভোগিতে সোহাগে ।

৬০

যথা তুষারের হিয়া, ধবল-শিখরে,
কভু নাহি গলে রবি-বিভার চুম্বনে,
কামানলে ; অবহেলি মন্মথের শরে
রথীশ্র, হেরিলা, জাগি, শয়ন-সদনে
(কনক-পুতলী যেন নিশার স্বপনে)
উর্বশীরে । “কহ, দেবি, কহ এ কিঙ্করে,—”
সুধিলা সম্ভাষি শূর সুমধুর স্বরে,
“কি হেতু অকালে হেথা, মিনতি চরণে ?”
উন্মদা মদন-মদে, কহিলা উর্বশী ;
“কামাতুরা আমি, নাথ, তোমার কিঙ্করী ;
সরের সুকান্তি দেখি যথা পড়ে খসি
কৌমুদিনী তার কোলে, লও কোলে ধরি
দাসীরে ; অধর দিয়া অধর পরশি,
যথা কৌমুদিনী কাঁপে, কাঁপি থর থরি ।”

৬১

রৌজ-রস

শুনিহু গম্ভীর ধ্বনি গিরির গহ্বরে,
ক্লুধার্ত্ত কেশরী যেন নাদিছে ভীষণে ;
প্রলয়ের মেঘ যেন গজ্জিছে গগনে ;
সচূড়ে পাহাড় কাঁপে থর থর থরে,
কাঁপে চারি দিকে বন যেন ভুক্পনে ;
উথলে অদূরে সিদ্ধু যেন ক্রোধ-ভরে,

যবে প্রভঞ্জন আসে নির্ঘোষ ঘোষণে ।
 জিজ্ঞাসিহু ভারতীরে জ্ঞানার্থে সত্বরে ।
 কহিলা মা ;—“রৌজ নামে রস, রৌজ অতি,
 রাখি আমি, ওরে বাছা, বাঁধি এই স্থলে,
 (কৃপা করি বিধি মোরে দিলা এ শক্তি)
 বাড়বাগ্নি মগ্ন যথা সাগরের জলে ।
 বড়ই কর্কশ-ভাষী, নির্ভূর, হুস্মতি,
 সতত বিবাদে মত্ত, পুড়ি রোমানলে ।”

৬২

হুঃশাসন

মেঘ-রূপ চাপ ছাড়ি, বজ্রাগ্নি যেমনে
 পড়ে পাহাড়ের শৃঙ্গে ভীষণ নির্ঘোষে ;
 হেরি ক্ষেত্রে ক্ষত্র-গ্নানি হুঃশাসনে,
 রৌজরূপী ভীমসেন ধাইলা সরোষে ;
 পদাঘাতে বসুমতী কাঁপিলা সঘনে ;
 বাজিল উরুতে অসি গুরু অসি-কোষে ।
 যথা সিংহ সিংহনাদে ধরি যুগে বনে
 কামড়ে প্রগাঢ়ে ঘাড় লছ-ধারা শোষে ;
 বিদরি হৃদয় তার ভৈরব-আরবে,
 পান করি রক্ত-শ্রোতঃ গজ্জিলা পাবনি ।
 “মানাগ্নি নিবাহু আমি আজি এ আহবে
 বর্ষর ।—পাঞ্চালী সতী, পাণ্ডব-রমণী,
 তার কেশপাশ পর্শি, আকর্ষিলি যবে,
 কুরু-কুলে রাজলক্ষ্মী ত্যজিলা তথনি ।”

৬৩

হিড়িম্বা

উজ্জলি চৌদিক এবে রূপের কিরণে,
 বীরেশ ভীমের পাশে কর যোড় করি
 দাঁড়াইলা, প্রেম-ডোরে বাঁধা কায় মনে
 হিড়িম্বা ; সুবর্ণ-কাস্তি বিহঙ্গী সুন্দরী
 কিরাতের কাঁদে যেন ! ধাইল কাননে
 গন্ধামোদে অন্ধ অলি, আনন্দে গুঞ্জরি,—
 গাইল বাসন্ত্যামোদে শাখার উপরি
 মধুমাখা গীত পাখী সে নিকুঞ্জ-বনে ।
 সহসা নড়িল বন ঘোর মড়মড়ে,
 মদ-মত্ত হস্তী কিম্বা গণ্ডার সরোষে
 পশিলে বনেতে, বন যেই মতে নড়ে ।
 দীর্ঘ-তাল-তুল্য গদা ঘুরায়ৈ নির্ঘোষে,
 ছিন্ন করি লতা-কুলে, ভাঙি বৃক্ষ রড়ে,
 পশিল হিড়িম্ব রক্ষঃ—রৌদ্র ভগ্নী-দোষে ।

৬৪

ক্রোধাক্রমেঘের চক্ষে জ্বলে যথা খরে
 ক্রোধাগ্নি তড়িত-রূপে ; রকত-নয়নে
 ক্রোধাগ্নি । মেঘের মুখে যেমতি নিঃসরে
 ক্রোধ-নাদ বজ্রনাদে, সে ঘোর ঘোষণে
 ভয়ান্ত ভূধর ভূমে, খেচর অস্থরে,
 ঘন হুহুঙ্কার-ধ্বনি বিকট বদনে ;—
 “রক্ষঃ-কুল-কলঙ্কিনি, কোথা লো এ বনে
 তুই ? দেখি, আজি তোরে কে বা রক্ষা করে ।”
 মূর্ত্তিমান্ রৌদ্র-রসে হেরি রসবতী,
 সত্যয়ে কহিলা কাঁদি বীরেন্দ্রের পদে,—

“লৌহ-ক্রম চিল ওই ; সফরীর গতি
দাসীর। ছুটিছে ছুট ফাটি বীর-মদে,
অবলা অধীনা জনে রক্ষ, মহামতি,
বাঁচাই পরাণ ডুবি তব কৃপা-হৃদে।”

৬৫

উজানে পুষ্করিণী

বড় রম্য স্থলে বাস তোর, লো সরসি ।
দগধা বসুধা যবে চৌদিকে প্রথবে
তপনের, পত্রময়ী শাখা ছত্র ধরে
শীতলিতে দেহ তোর ; মুহু শ্বাসে পশি,
সুগন্ধ পাখার রূপে, বায়ু বায়ু করে ।
বাড়াতে বিরাম তোর আদরে, রূপসি,
শত শত পাতা মিলি মিষ্টে মরমরে ;
স্বর্ণ-কাস্তি ফুল ফুটি, তোর তটে বসি,
যোগায় সৌরভ-ভোগ, কিঙ্করী যেমতি
পাট-মহিষীর খাটে, শয়ন-সদনে ।
নিশায় বাসের রঙ্গ তোর, রসবতি,
লয়ে চাঁদে,—কত হাসি প্রেম-আলিঙ্গনে ।
বৈতালিক-পদে তোর পিক-কুল-পতি ;
ভ্রমর গায়ক ; নাচে খঞ্জন, ললনে ।

৬৬

নুতন বৎসর

ভূত-রূপ সিদ্ধু-জলে গড়ায়ে পড়িল
বৎসর, কালের ঢেউ, ঢেউর গমনে ।
নিত্যগামী রথচক্রে নীরবে ঘুরিল
আবার আয়ুর পথে । হৃদয়-কাননে,

কত শত আশা-লতা শুধায়ে মরিল,
 হায় রে, কব তা করে, কব তা কেমনে
 কি সাহসে আবার বা রোপিব যতনে
 সে বীজ, যে বীজ ভূতে বিফল হইল ।
 বাড়িতে লাগিল বেলা ; ডুবিলে সত্ত্বরে
 তিমিরে জীবন-রবি । আসিছে রজনী,
 নাহি যার মুখে কথা বায়ু-রূপ স্বরে ;
 নাহি যার কেশ-পাশে তারা-রূপ মণি ;
 চির-রুদ্ধ দ্বার যার নাহি মুক্ত করে
 উষা,—তপনের দূতী, অরুণ-রমণী ।

৬৭

কেউটিয়া সাপ

বিষাগার শিরঃ হেরি মণ্ডিত কমলে
 তোর, যম-দূত, জন্মে বিস্ময় এ মনে ।
 কোথায় পাইলি তুই,—কোন্ পুণ্যবলে—
 সাজাতে কুচূড়া তোর, হেন সুভূষণে ?
 বড়ই অহিত-কারী তুই এ ভবনে ।
 জীব-বংশ-ধ্বংস-রূপে সংসার-মণ্ডলে
 সৃষ্টি তোর । ছটফটি, কে না জানে, জলে
 শরীর, বিষায়ি যবে জালাস্ দংশনে ?—
 কিঙ্ক তোর অপেক্ষা রে, দেখাইতে পারি,
 তীক্ষ্ণতর বিষধর অরি নর-কূলে ।
 তোর সম বাহু-রূপে অতি মনোহারী,—
 তোর সম শিরঃ-শোভা রূপ-পদ্ম-ফুলে ।
 কে সে ? কবে কবি, শোন্ । সে রে সেই নারী,
 যৌবনের মদে যে রে ধর্ম-পথ ভুলে ।

৬৮

শ্রামা-পক্ষী

আঁধার পিঞ্জরে তুই, রে কুঞ্জ-বিহারি
 বিহঙ্গ, কি রঙ্গে গীত গাইসু সূষরে ?
 ক মোরে, পূর্বের সুখ কেমনে বিশ্বরে
 মনঃ তোর ? বুঝা রে, যা বুঝিতে না পারি।
 সঙ্গীত-তরঙ্গ-সঙ্গে মিশি কি রে ঝরে
 অদৃশ্চে ও কাঁরাগারে নয়নের বারি ?
 রোদন-নিলাদ কি রে লোকে মনে করে
 মধুমাখা গীত-ধ্বনি, অজ্ঞানে বিচারি ?
 কি ভাবে, হৃদয়ে তোর কি ভাব উথলে ?—
 কবির কুভাগ্য তোর, আমি ভাবি মনে।
 ছুঁখের আঁধারে মজি গাইসু বিরলে
 তুই, পাখি, মজায়ে রে মধু-বরিষণে !
 কে জানে যাতনা কত তোব ভব-তলে ?—
 মোহে গঞ্জে গন্ধরস সহি ছতাশনে !

৬৯

দেষ

শত ধিক্ সে মনেরে, কাতর যে মনঃ
 পরের সুখেতে সদা এ ভব-ভবনে !
 মোর মতে নর-কুলে কলঙ্ক সে জন
 পোড়ে আঁখি যার যেন বিষ-বরিষণে,
 বিকশে কুসুম যদি, গায় পিক-গণে
 বাসন্ত আমোদে পূরি ভাগ্যের কানন
 পরের ! কি গুণ দেখে, কব তা কেমনে,
 প্রসাদ তোমার, রমা, কর বিতরণ

তুমি ? কিন্তু এ প্রসাদ, নমি যোড় করে
 মাগি রাঙা পায়ে, দেবি ; ছেধের অনলে
 (সে মহা নরক ভবে ।) সুখী দেখি পরে,
 দাসের পরাণ যেন কভু নাহি জ্বলে,
 যদিও না পাত তুমি তার ক্ষুদ্র ঘরে
 রত্ন সিংহাসন, মা গো, কুভাগ্যের বলে ।

৭০

বসন্তে কানন-রাজি সাজে নানা ফুলে,
 নব বিধুমুখী বধু-ষাইতে বাসরে
 যেমতি ; তবু সে নদ, শোভে যার কূলে
 সে কানন, যদপিও তার কলেবরে
 নাহি অলঙ্কার, তবু সে ছুখ সে ভূলে
 পড়শীর সুখ দেখি ; তবুও সে ধরে
 মূর্ত্তি তার হিয়া-রূপ দরপণে তুলে
 আনন্দে ! আনন্দ-গীত গায় মুহু স্বরে !—
 হে রমা, অজ্ঞান নদ, জ্ঞানবান্ করি,
 সৃজেছেন দাসে বিধি ; তবে কেন আমি
 তব মায়া, মায়াময়ি, জগতে বিস্মরি,
 কু-ইন্দ্রিয়-বশে হব এ কুপথ-গামী ?
 এ প্রসাদ যাচি পদে, ইন্দ্রিরা সুন্দরি,
 ছেধ-রূপ ইন্দ্রিয়ের কর দাসে স্বামী ।

৭১

যশঃ

লিখিহু কি নাম মোর বিফল যতনে
 বালিতে, রে কাল, তোার সাগরের তীরে ?

ফেন-চূড় জল-রাশি আসি কি রে ফিরে,
 মুছিতে তুচ্ছতে স্বরা এ মোর লিখনে ?
 অথবা খোদিলু তারে যশোগিরি-শিরে,
 গুণ-রূপ যন্তে কাটি অক্ষর স্কন্ধে,—
 নারিবে উঠাতে যাহে, ধুয়ে নিজ নীরে,
 বিস্মৃতি, বা মলিনিতে মলের মিলনে ?—
 শূন্য-জল জল-পথে জলে লোক স্মরে ;
 দেব-শূন্য দেবালয়ে অদৃশ্যে নিবাসে
 দেবতা ; ভস্মের রাশি ঢাকে বৈশ্বানরে ।
 সেই রূপে, ধড় যবে পড়ে কাল-গ্রাসে,
 যশোরূপাশ্রমে প্রাণ মর্ত্যে বাস করে ;—
 কুযশে নরকে যেন, সুযশে—আকাশে !

৭২

ভাষা

“O matre pulchra—
 Filia pulchrior !”

Hor.

লো স্মরী জননী
 স্মরীভরা ছহিতা !—

মূঢ় সে, পণ্ডিতগণে তাহে নাহি গণি,
 কহে যে, রূপসী তুমি নহ, লো স্মরী
 ভাষা !—শত ধিক্ তারে ! ভুলে সে কি করি
 শকুন্তলা তুমি, তব মেনকা জননী ?
 রূপ-হীনা ছহিতা কি, মা যার অঙ্গরী ?—
 বীণার রসনা-মূলে জন্মে কি কুধ্বনি ?
 কবে মন্দ-গন্ধ স্বাস স্বাসে ফুলেশ্বরী
 নলিনী ? সীতারে গর্ভে ধরিলা ধরণী ।

দেব-যোনি মা তোমার ; কাল নাহি নাশে
 রূপ তাঁর ; তবু কাল করে কিছু ক্ষতি ।
 নব রস-সুধা কোথা ব্যয়েসের হাসে ?
 কালে সুবর্ণের বর্ণ ম্লান, লো যুবতি !
 নব শশিকলা তুমি ভারত-আকাশে,
 নব-ফুল বাক্য-বনে, নব মধুমতী ।

৭৩

সাংসারিক জ্ঞান

“কি কাজ বাজায় বীণা ; কি কাজ জাগায়
 সুমধুর প্রতিধ্বনি কাব্যের কাননে ?
 কি কাজ গরজে ঘন কাব্যের গগনে
 মেঘ-রূপে, মনোরূপ ময়ূরে নাচায় ?
 স্বতরিতে তুলি তোর বেড়াবে কি বায়ে
 সংসাব-সাগর-জলে, স্নেহ করি মনে
 কোন জন ? দেবে অন্ন অর্ধ মাত্র খায়ে,
 ক্ষুধায় কাতব তোবে দেখি রে তোরণে ?
 ছিঁড়ি তার-কুল, বীণা-ছুড়ি ফেল দূরে ।”—
 কহে সাংসারিক জ্ঞান—ভবে বৃহস্পতি ।
 কিন্তু চিন্ত-ক্ষত্রে যবে এ বীজ অঙ্কুরে,
 উপাড়ে ইহায় হেন কাহার শক্তি ?
 উদাসীন-দশা তার সদা জীব-পুরে,
 যে অভাগা রাঙা পদ ভজে, মা ভারতি ।

৭৪

পুরুষবা

যথা ঘোর বনে ব্যাধ বধি অজাগরে,
 চিরি শিরঃ তার, লভে অমূল রতনে ;

বিমুখি কেশীরে আজি, হে রাজা, সমরে,
 লভিলা ভুবন-লোভ তুমি কাম-ধনে ।
 হে সুভগ, যাত্রা তব বড় শুভ ক্ষণে ।—
 ঐ যে দেখিছ এবে, গিরির উপরে,
 আচ্ছন্ন, হে মহীপতি, মূর্ছা-রূপ ঘনে
 চাঁদে, কে ও, তা জান ? জিজ্ঞাস সত্তরে,
 পরিচয় দেবে সখী, সমুখে যে বসি ।
 মানসে কমল, বলি, দেখেছ নয়নে ;
 দেখেছ পূর্ণিমা-রাত্রে শরদের শনী ;
 বধিয়াছ দীর্ঘ-শৃঙ্গী কুরঙ্গ কাননে ;—
 সে সকলে ধিক্ মান ! ওই হে উর্বশী !
 সোণার পুতলি যেন, পড়ি অচেতনে ।

৭৫

ঈশ্বরচন্দ্র গুপ্ত

স্রোতঃ-পথে বহি যথা ভীষণ ঘোষণে
 ক্ষণ কাল, অল্লায়ুঃ পয়োরাশি চলে
 বরিষায় জলাশয়ে ; দৈব-বিড়ম্বনে
 ঘটিল কি সেই দশা সুবঙ্গ-মণ্ডলে
 তোমার, কোবিদ বৈষ্ণ ? এই ভাবি মনে,—
 নাহি কি হে কেহ তব বান্ধবের দলে,
 তব চিতা-ভস্মরাশি কুড়ায় যতনে,
 স্নেহ-শিল্পে গড়ি মঠ, রাখে তার তলে ?
 আছিলে রাখাল-রাজ কাব্য-ব্রজধামে
 জীবিত তুমি ; নানা খেলা খেলিলা হরষে ;
 যমুনা হয়েছ পার ; তেঁই গোপগ্রামে
 সবে কি ভুলিল তোমা ? স্মরণ-নিকষে,

মন্দ-স্বর্ণ-রেখা-সম এবে তব নামে
নাহি কি হে জ্যোতিঃ, ভাল স্বর্ণের পরশে ?

৭৬

শনি

কেন মন্দ গ্রহ বলি নিন্দা তোমা করে
জ্যোতিষী ? গ্রহেস্ত্র তুমি, শনি মহামতি ।
ছয় চন্দ্র রত্নরূপে সুবর্ণ টোপরে
তোমার ; সুকটিদেশে পর, গ্রহ-পতি
হৈম সারসন, যেন আলোক-সাগরে ।
সুনীল গগন-পথে ধীরে তব গতি ।
বাথানে নক্ষত্র-দল ও রাজ-মুরতি
সঙ্গীতে, হেমাঙ্গ বীণা বাজায় অম্বরে ।
হে চল রশ্মির রাশি, সুধি কোন জনে,—
কোন জীব তব রাজ্যে আনন্দে নিবাসে ?
জন-শূণ্য নহ তুমি, জানি আমি মনে,
হেন রাজা প্রজা-শূণ্য,—প্রত্যয়ে না আসে ।—
পাপ, পাপ-জাত মৃত্যু, জীবন-কাননে,
তব দেশে, কীটরূপে কুসুম কি নাশে ?

৭৭

সাগরে তরি

হেরিহু নিশায় তরি অপথ সাগরে,
মহাকায়া, নিশাচরী, যেন মায়া-বলে,
বিহঙ্গিনী-রূপ ধরি, ধীরে ধীরে চলে,
রঙ্গে সুধবল পাখা বিস্তারি অম্বরে ।
রতনের চূড়া-রূপে শিরোদেশে জ্বলে
দীপাবলী, মনোহরা নানা বর্ণ করে,—

শ্বেত, রক্ত, নীল, মিশ্রিত পিঙ্গলে ।
 চারি দিকে ফেনাময় তরঙ্গ সূক্ষ্মরে
 গাইছে আনন্দে যেন, হেরি এ সুন্দরী
 বামারে, বাখানি রূপ, সাহস, আকৃতি ।
 ছাড়িতেছে পথ সবে আস্তে ব্যস্তে সরি,
 নীচ জন হেরি যথা কুলের যুবতী ।
 চলিছে গুমরে বামা পথ আলো করি,
 শিরোমণি-তেজে যথা ফণিনীর গতি ।

৭৮

সত্যেন্দ্রনাথ ঠাকুর

সুরপুরে সশরীরে, শূর-কুল-পতি
 অর্জুন, স্বকাজ যথা সাধি পুণ্য-বলে
 ফিরিলা কানন-বাসে ; তুমি হে তেমতি,
 যাও সুখে ফিরি এবে ভারত-মণ্ডলে,
 মনোছানে আশা-লতা তব ফলবতী ।—
 ধন্য ভাগ্য, হে সুভগ, তব ভব-তলে ।
 শুভ ক্ষণে গর্ভে তোমা ধরিলা সে সতী,
 তিতিবেন যিনি, বৎস, নয়নের জলে
 (স্নেহাসার ।) যবে রঙ্গে বায়ু-রূপ ধরি
 জনরব, দূর বঙ্গে বহিবে সঙ্ঘরে
 এ তোমার কীর্্তি-বার্তা ।—যাও দ্রুতে, তরি,
 নীলমণি-ময় পথ অপথ সাগরে ।
 অদৃশ্যে রক্ষার্থে সঙ্গে যাবেন সুন্দরী
 বঙ্গ-লক্ষ্মী । যাও, কবি আশীর্ব্বাদ করে ।—

শিশুপাল

নর-পাল-কূলে তব জনম স্কন্ধে
 শিশুপাল ! কহি শুন, রিপুরুপ ধরি,
 ওই যে গরুড়-ধ্বজে গরজেন ঘনে
 বীরেশ, এ ভব-দহে মুকতির তরি !
 টঙ্কারি কাম্বুক, পশ ছছকারে রণে ;
 এ ছার সংসার-মায়া অস্তিমে পাসরি ;
 নিন্দাছলে বন্দ, ভক্ত, রাজীব চরণে ।
 জানি, ইষ্টদেব তব, নহেন হে অরি
 বাসুদেব ; জানি আমি বাগ্‌দেবীর বরে ।
 লৌহদস্ত হল, শুন, বৈষ্ণব স্মৃতি,
 ছিঁড়ি ক্ষেত্র ; তোমায় ক্ষণ যাতনি তেমতি
 আজি, তীক্ষ্ণ শর-জ্বালে বধি এ সমরে,
 পাঠাবেন সূবৈকুণ্ঠে সে বৈকুণ্ঠ-পতি ।

তারি

নিত্য তোমা হেরি প্রাতে ওই গিরি-শিরে
 কি হেতু, কহ তা মোরে, সুচারু-হাসিনি ?
 নিত্য অবগাহি দেহ শিশিরের নীরে,
 দেও দেখা, হৈমবতি, থাকিতে যামিনী ।
 বহে কলকল রবে স্বচ্ছ প্রবাহিণী
 গিরি-তলে ; সে দর্পণে নিরঞ্চিতে ধীরে
 ও মুখের আভা কি লো, আইস, কামিনি,
 কুসুম-শয়ন থুয়ে সুবর্ণ মন্দিরে ?—

কিষ্কা, দেহ কারাগার তেয়াগি ভূতলে,
 স্নেহ-কারী জন-প্রাণ তুমি দেব-পুরে,
 ভাল বাসি এ দাসেরে, আইস এ ছলে
 হৃদয় আঁধার তার খেদাইতে দূরে ?
 সত্য যদি, নিত্য তবে শোভ নভস্তলে,
 জুড়াও এ আঁখি ছুটি নিত্য নিত্য উরে ॥

৮১

অর্থ

ভেবো না জনম তার এ ভবে কুক্ষণে,
 কমলিনী-রূপে যার ভাগ্য-সরোবরে
 না শোভেন মা কমলা সুবর্ণ কিরণে ;—
 কিন্তু যে, কল্পনা-রূপ খনির ভিতরে
 কুড়িয়ে রতন-ব্রজ, সাজায় ভূষণে
 স্বভাষা, অঙ্গের শোভা বাড়িয়ে আদরে ।
 কি লাভ সঞ্চয়ি, কহ, রজত কাঞ্চনে,
 ধনপ্রিয় ? বাঁধা রমা চির কার ঘরে ?
 তার ধন-অধিকারী হেন জন নহে,
 যে জন নিব্বংশ হলে বিশ্বতি-আঁধারে
 ডুবে নাম, শিলা যথা তল-শূন্য দহে ।
 তার ধন-অধিকারী নারে মরিবারে ।—
 রসনা-যজ্ঞের তার যত দিন বহে
 ভাবের সঙ্গীত-ধ্বনি, বাঁচে সে সংসারে ॥

৮২

কবিগুরু দাস্তে

নিশাস্তে সুবর্ণ-কাস্তি নক্ষত্র যেমতি
 (তপনের অমুচর) সূচাক কিরণে

খেদায় তিমির-পুঞ্জ ; হে কবি, তেমতি
 প্রভা তব বিনাশিল মানস-ভুবনে
 অজ্ঞান ! জনম তব পরম সুক্ষণে !
 নব কবি-কুল-পিতা তুমি, মহামতি,
 ব্রহ্মাণ্ডের এ সুখণ্ডে । তোমার সেবনে
 পরিহরি নিদ্রা পুনঃ জাগিলা ভারতী ।
 দেবীর প্রসাদে তুমি পশিলা সাহসে
 সে বিষম দ্বার দিয়া আঁধার নরকে,
 যে বিষম দ্বার দিয়া, ত্যজি আশা, পশে
 পাপ প্রাণ, তুমি, সাধু, পশিলা পুলকে ।
 যশের আকাশ হতে কভু কি হে খসে
 এ নক্ষত্র ? কোন্ কীট কাটে এ কোরকে ?

৮৩

পশ্চিমবঙ্গের থিওডোর গোল্ডষ্টুকর

মথি জলনাথে যথা দেব-দৈত্য-দলে
 লভিলা অমৃত-রস, তুমি শুভ ক্ষণে
 যশোরূপ সুধা, সাধু, লভিলা স্ববলে,
 সংস্কৃতবিদ্যা-রূপ সিদ্ধুর মথনে !
 পশ্চিম-কুলের পতি তুমি এ মণ্ডলে ।
 আছে যত পিকবর ভারত-কাননে,
 সুসঙ্গীত-রঙ্গে তোষে তোমার শ্রবণে ।
 কোন্ রাজা হেন পূজা পায় এ অঞ্চলে ?
 বাজায়ে সুকল বীণা বায়ীকি আপনি
 কহেন রামের কথা তোমায় আদরে ;
 বদরিকাশ্রম হতে মহা গীত-ধ্বনি
 গিরি-জাত শ্রোতঃ-সম ভীম-ধ্বনি করে ।

সখা তব কালিদাস, কবি-কুল-মণি ।—
কে জানে কি পুণ্য তব ছিল জন্মান্তরে ?

৮৪

কবির আলফ্রেড টেনিসন

কে বলে বসন্ত অন্ত, তব কাব্য-বনে,
শ্বেতদ্বীপ ? ওই শুন, বহে বায়ু-ভরে
সঙ্গীত-তরঙ্গ রঙ্গে ! গায় পঞ্চ স্বরে
পিকেশ্বর, তুমি মনঃ সুধা-বরিষণে ।
নীরব ও বীণা কবে, কোথা ত্রিভুবনে
বাগ্গেদবী ? অবাক্ কবে কল্লোল সাগরে ?
তারারূপ হেম তার সুনীল গগনে,
অনন্ত মধুর ধ্বনি নিরন্তর করে ।
পূজক-বিহীন কভু হইতে কি পারে
সুন্দর মন্দির তব ? পশ, কবিপতি,
(এ পরম পদ পুণ্য দিয়াছে তোমাতে)
পুষ্পাঞ্জলি দিয়া পূজ করিয়া ভকতি ।
যশঃ-ফুল-মালা তুমি পাবে পুরস্কারে ।
ছুইতে শমন তোমা না পাবে শকতি ।

৮৫

কবির ভিক্তর হ্যাগো

আপনার বীণা, কবি, তব পাণি-মূলে
দিয়াছেন বীণাপাণি, বাজাও হরষে ।
পূর্ণ, হে যশস্বি, দেশ তোমার সুযশে,
গোকুল-কাম যথা প্রফুল্ল বকুলে
বসন্তে ! অমৃত পান করি তব ফুলে
অলি-রূপ মনঃ মোর মত্ত গো সে রসে ।

হে ভিক্তর, জয়ী তুমি এই মর-কূলে !
 আসে যবে যম, তুমি হাসো হে সাহসে !
 অক্ষয় বৃক্ষের রূপে তব নাম রবে
 তব জন্ম-দেশ-বনে, কহিমু তোমারে ;
 (ভবিষ্যদ্বক্তা কবি সতত এ ভবে,
 এ শক্তি ভারতী সতী প্রদানেন তারে)
 প্রসূরের স্তম্ভ যবে গল্যে মাটি হবে,
 শোভিবে আদরে তুমি মনের সংসারে !

. ৮৬

ঈশ্বরচন্দ্র বিদ্যাসাগর

বিদ্যার সাগর তুমি বিখ্যাত ভারতে ।
 করুণার সিদ্ধু তুমি, সেই জানে মনে,
 দীন যে, দীনের বন্ধু !—উজ্জ্বল জগতে
 হেমাঙ্গির হেম-কাস্তি অম্লান কিরণে ।
 কিল্ব ভাগ্য-বলে পেয়ে সে মহা পর্বতে,
 যে জন আশ্রয় লয় সুবর্ণ চরণে,
 সেই জানে কত গুণ ধরে কত মতে
 গিরীশ । কি সেবা তার সে সুখ-সদনে ।-
 দানে বারি নদীরূপ বিমলা কিঙ্করী ;
 যোগায় অমৃত ফল পরম আদরে
 দীর্ঘ-শিরঃ তরু-দল, দাসরূপ ধরি ;
 পরিমলে ফুল-কুল দশ দিশ ভরে ;
 দিবসে শীতল শ্বাসী ছায়া, বনেশ্বরী,
 নিশার সুশাস্ত নিদ্রা, ক্রাস্তি দূর করে ।

৮৭

সংস্কৃত

কাণ্ডারী-বিহীন তরি যথা সিঙ্কু-জলে
সহি বহু দিন ঝড়, তরঙ্গ-পীড়নে,
লভে কুল কালে, মন্দ পবন-চালনে ;
সে সুদশা আজি তব সুভাগ্যের বলে,
সংস্কৃত, দেব-ভাষা মানব-মণ্ডলে,
সাগর-কল্লোল-ধ্বনি, নদের বদনে,
বজ্রনাদ, কম্পবান্ বীণা-তার-গণে !—
রাজাশ্রম আজি তব ! উদয়-অচলে,
কনক-উদয়াচলে, আবার, সুন্দরি,
বিক্রম-আদিত্যে তুমি হের লো হরষে,
নব আদিত্যের রূপে ! পূর্ব-রূপ ধরি,
ফোট পুনঃ পূর্বরূপে, পুনঃ পূর্ব-রসে !
এত দিনে প্রভাতিল ছখ-বিভাবরী ;
ফোট মনানন্দে হাসি মনের সরস ।

৮৮

রামায়ণ

সাধিহু নিজায় বৃথা সুন্দর সিংহলে ।—
স্মৃতি, পিতা বাম্বীকির বৃদ্ধ-রূপ ধরি,
বসিলা শিয়রে মোর ; হাতে বীণা করি,
গাইলা সে মহাগীত, যাহে হিয়া জ্বলে,
যাহে আজু আঁধি হতে অশ্রু-বিন্দু গলে ।
কে সে মূঢ় ভূভারতে, বৈদেহি সুন্দরি,
নাহি আর্জে মনঃ যার তব কথা স্মরি,
সিত্য-কান্তি কমলিনী তুমি ভক্তি-জলে ।

দিব্য চক্ষুঃ দিলা গুরু ; দেখিহু সূক্ষণে
 শিলা জলে ; কুন্তকর্ণ পশিল সমরে,
 চলিল অচল যেন ভীষণ ঘোষণে,
 কাঁপায়ে ধরায় ঘন ভীম-পদ-ভরে ।
 বিনাশিলা রামানুজ মেঘনাদে রণে ;
 বিনাশিলা রঘুরাজ রক্ষোরাজেশ্বরে ।

৮৯

হরিপর্কতে জ্যোপদীর মৃত্যু

যথা শমী, বন-শোভা, পবনের বলে,
 আঁধারি চৌদিক, পড়ে সহসা সে বনে ;
 পড়িলা জ্যোপদী সতী পর্কতের তলে ।—
 নিবিল সে শিখা, যার সুবর্ণ-কিরণে
 উজ্জল পাণ্ডব-কুল মানব-মণ্ডলে ।
 অস্ত্রে গেলা শশিকলা মলিনি গগনে ।
 মুদিলা, শুখায়ে, পদ্ম সরোবর-জলে !
 নয়নের হেম-বিভা ত্যজিল নয়নে ।—
 মহাশোকে পঞ্চ ভাই বেড়ি সুন্দরীরে
 কাঁদিলা, পূরি সে গিরি রোদন-নিনাদে ;
 দানবের হাতে হেরি অমরাবতীরে
 শোকাক্ত দেবেন্দ্র যথা ঘোর পরমাদে ।
 তিতিল গিরির বক্ষঃ নয়নের নীরে ;
 প্রতিধ্বনি-ছলে গিরি কাঁদিল বিষাদে ।

৯০

ভারত-ভূমি

“Italia ! Italia ! O tu cui feo la sorte,
Dono infelice di bellezza !”

FILICIAIA.

“কৃষ্ণে ভোরে লো, হায়, ইতালি ! ইতালি !
এ দুখ-জনক রূপ দিয়াছেন বিধি ।”

কে না লোভে, ফণিনীর কুস্তলে যে মণি
ভূপতিত তারারূপে, নিশাকালে বলে ?
কিস্ত কৃতান্তের দূত বিষদস্তে গণি,
কে করে সাহস তারে কেড়ে নিতে বলে ?—
হায় লো ভারত-ভূমি ! বৃথা স্বর্ণ-জলে
ধুইলা বরাজ তোর, কুরঙ্গ-নয়নি,
বিধাতা ? রতন সিংখি গড়ায়ে কৌশলে,
সাজাইলা পোড়া ভাল তোর লো, যতনি !
নহিস্ লো বিষময়ী যেমতি সাপিনী ;
রক্ষিতে অক্ষম মান প্রকৃত যে পতি ;
পুড়ি কামানলে, তোরে করে লো অধীনী
(হা ধিক্ ।) যবে যে ইচ্ছে, যে কামী দুর্নতি ।
কার শাপে তোর তরে, ওলো অভাগিনি,
চন্দন হইল বিষ ; সুধা তিত অতি ।

৯১

পৃথিবী

নিম্নি গো করে তোমা আরোপিলা যবে
বিশ্ব-মাঝে শ্রু. ধরা ! অতি হ্রষ্ট মনে
চারি দিকে তারা-চয় সুমধুর রবে
(বাজ্রায়ে সুবর্ণ বীণা) গাইল গগনে,

কুল-বালা-দল যবে বিবাহ-উৎসবে
 ছলাছলি দেয় মিলি বধু-দরশনে ।
 আইলেন আদি প্রভা হেম-ঘনাসনে,
 ভাসি ধীরে শূন্যরূপ সুনীল অর্ণবে,
 দেখিতে তোমার মুখ । বসন্ত আপনি
 আবরিলা শ্যাম বাসে বর কলেবরে ;
 আঁচলে বসায় নব ফুলরূপ মণি,
 নব ফুল-রূপ মণি কবরী উপরে ।
 দেবীর আদেশে তুমি, লো নব রমণি,
 কটিতে মেখলা-রূপে পরিলা সাগরে ।

৯২

আমরা

আকাশ-পরশী গিরি দমি গুণ-বলে,
 নির্ম্মিল মন্দির যারা সুন্দর ভারতে ;
 তাদের সন্তান কি হে আমরা সকলে ?—
 আমরা,—দুর্ব্বল, ক্ষীণ, কুখ্যাত জগতে,
 পরাধীন, হা বিধাতঃ, আবদ্ধ শৃঙ্খলে ?—
 কি হেতু নিবিল জ্যোতিঃ মণি, মরকতে,
 ফুটিল ধুতুরা ফুল মানসের জলে
 নির্গন্ধে ? কে কবে মোরে ? জানিব কি মতে ?
 বামন দানব-কুলে, সিংহের গুরসে
 শৃগাল কি পাপে মোরা কে কবে আমারে ?—
 রে কাল, পূরিবি কি রে পুনঃ নব রসে
 রস-শূন্য দেহ তুই ? অমৃত-আসারে
 চেতাইবি যুত-কলে ? পুনঃ কি হরষে,
 শুককে ভারত-শশী ভাতিবে সংসারে ?

৯৩

শকুন্তলা

মেনকা অপ্সরারূপী, ব্যাসের ভারতী
 প্রসবি, ত্যাজিলা ব্যস্তে, ভারত-কাননে,
 শকুন্তলা স্নন্দরীরে, তুমি, মহামতি,
 কথরূপে পেয়ে তারে পালিলা যতনে,
 কালিদাস ! ধন্য কবি, কবি-কুল-পতি !—
 তব কাব্যাত্মমে হেরি এ নারী-রতনে
 কে না ভাল বাসে তারে, ছুখন্ত যেমতি
 প্রেমে অন্ধ ? কে না পড়ে মদন-বন্ধনে ?
 নন্দনের পিক-ধ্বনি সুমধুর গলে :
 পারিজাত-কুসুমের পরিমল শ্বাসে ;
 মানস-কমল-রুচি বদন-কমলে ;
 অধরে অমৃত-সুধা ; সৌদামিনী হাসে ;
 কিন্তু ও মুগাক্ষি হতে যবে গলি, ঝলে
 অশ্রুধারা, ধৈর্য্য ধরে কে মর্ন্ত্যে, আকাশে ?

৯৪

বাল্ম্যকি

স্বপনে ভ্রমিহু আমি গহন কাননে
 একাকী । দেখিহু দূরে যুব এক জন,
 দাঁড়ায়ে তাহার কাছে প্রাচীন ব্রাহ্মণ—
 জ্যোণ যেন ভয়-শূন্য কুরুক্ষেত্র-রণে ।
 “চাহিস্ বধিতে মোরে কিসের কারণে ?”
 জিজ্ঞাসিলা দ্বিজবর মধুর বচনে ।
 “বধি তোমা হরি আমি লব তব ধন,”
 উত্তরিলো যুব জন ভীম গরজনে ।—

পরিবরতিল স্বপ্ন । শুনিহু সত্বরে
 সুধাময় গীত-ধ্বনি, আপনি ভারতী,
 মোহিতে ব্রহ্মার মনঃ, স্বর্ণ বোণা করে,
 আরস্তিলা গীত যেন—মনোহর অতি ।
 সে ছরস্ত যুব জন, সে বৃদ্ধের বরে,
 হইল, ভারত, তব কবি-কুল-পতি ।

৯৫

শ্রীমস্তের টোপর

*শ্রীপতি —————

শিরে হৈতে ফেলে দিল লক্ষের টোপর ॥*

চণ্ডী ।

হেরি যথা শফরীয়ে স্বচ্ছ সরোবরে,
 পড়ে মৎসুরক, ভেদি সুনীল গগনে,
 (ইন্দ্র-ধনুঃ-সম দীপ্ত বিবিধ বরণে)
 পড়িল মুকুট, উঠি, অকুল সাগরে,
 উজ্জলি চৌদিক শত রতনের করে
 ক্রতগতি । যুছ হাসি হেম ঘনাসনে
 আকাশে, সম্ভাষি দেবী, সুমধুর স্বরে,
 পদ্যারে, কহিলা, “দেখ, দেখ লো নয়নে,
 অবোধ শ্রীমন্ত ফেলে সাগরের জলে
 লক্ষের টোপর, সখি ! রক্ষিব, স্বজনি,
 খুল্লনার ধন আমি ।”—আশু মায়া-বলে
 স্বর্ণ ক্ষেমঙ্করী-রূপ লইলা জননী ।
 বজ্রনখে মৎসুরকে যথা নভস্তলে
 বিঁধে বাজ, টোপর মা ধরিলো তেমনি ।

৯৬

কোন এক পুস্তকের ডুমিকা পড়িয়া

চাঁড়ালের হাত দিয়া পোড়াও পুস্তকে !
 করি ভস্মরাশি, ফেল, কস্মনাশা-জলে !—
 সুভাবের উপযুক্ত বসন, যে বলে
 নার বুনিবারে, ভাষা ! কুখ্যাতি-নরকে
 যম-সম পারি তারে ডুবাতে পুলকে,
 হাতী-সম গুঁড়া করি হাড় পদতলে !
 কত যে ঐশ্বর্য্য তব এ ভব-মণ্ডলে,
 সেই জানে, বাণীপদ ধরে যে মস্তকে !
 কামার্ত্ত দানব যদি অঙ্গরীয়ে সাধে,
 ঘূণায় ঘুরায় মুখ হাত দে সে কানে ;
 কিন্তু দেবপুত্র যবে প্রেম-ডোরে বাঁধে
 মনঃ তার, প্রেম-সুধা হরষে সে দানে ।
 দূর করি নন্দঘোষে, ভজ শ্রামে, রাধে,
 ও বেটা নিকটে এলে ঢাকো মুখ মানে ।

৯৭

মিত্রাকর

বড়ই নিষ্ঠুর আমি ভাবি তারে মনে,
 লো ভাষা, পীড়িতে তোমা গড়িল যে আগে
 মিত্রাকর-রূপ বেড়ি । কত ব্যথা লাগে
 পর যবে এ নিগড় কোমল চরণে—
 স্মরণে হৃদয় মোর জ্বলি উঠে রাগে ।
 ছিল না . ভাব-ধন, কহ, লো ললনে,
 মনের ভাঙরে তার, যে মিথ্যা সোহাগে
 ভূলাতে তোমারে দিল এ কুচ্ছ ভূষণে ?—

কি কাজ রঞ্জে রাঙি কমলের দলে ?
 নিজ-রূপে শশিকলা উজ্জ্বল আকাশে !
 কি কাজ পবিত্রি মস্ত্রে জাহুবীর জলে ?
 কি কাজ সুগন্ধ ঢালি পারিজাত-বাসে ?
 প্রকৃত কবিতা-রূপী প্রকৃতির বলে,—
 চীন-নারী-সম পদ কেন লৌহ-ফাঁসে ?

৯৮

ব্রজ-বৃত্তান্ত

আর কি কাঁদে, লো নদি, তোর তীরে বসি,
 মথুরার পানে চেয়ে, ব্রজের সুন্দরী ?
 আর কি পড়ে লো এবে তোর জলে খসি
 অশ্রু-ধারা ; মুকুতার কম রূপ ধরি ?
 বিন্দা,—চন্দ্রাননা দূতী—ক মোরে, রূপসি
 কালিন্দী, পার কি আর হয় ও লহরী,
 কহিতে রাখার কথা, রাজ-পুরে পশি,
 নব রাজে, কর-যুগ ভয়ে ষোড় করি ?—
 ব্রজের হৃদয়-রূপ রঙ্গ-ভূমি-তলে
 সাজিল কি এত দিনে গোকুলের লীলা ?
 কোথায় রাখাল-রাজ পীত ধড়া গলে ?
 কোথায় সে বিরহিণী প্যারী চাক্ষুশীলা ?—
 ভূবাতে কি ব্রজ-ধামে বিস্মৃতির জলে,
 কাল-রূপে পুনঃ ইন্দ্র বৃষ্টি বরষিলা ।

৯৯

ভূত কাল

কোন্ মূল্য দিয়া পুনঃ কিনি ভূত কালে,
 —কোন্ মূল্য—এ মঙ্গলা করে লয়ে করি ?

কোন্ ধন, কোন্ মুদ্রা, কোন্ মণি-জালে
 এ ছল্লভ জব্য-লাভ ? কোন্ দেবে স্মরি,
 কোন্ যোগে, কোন্ তপে, কোন্ ধর্ম ধরি ?
 আছে কি এমন জন ব্রাহ্মণে, চণ্ডালে,
 এ দীক্ষা-শিক্ষার্থে যারে গুরু-পদে বরি,
 এ তত্ত্ব-স্বরূপ পদ্য পাই যে মৃগালে ?—
 পশে যে প্রবাহ বহি অকুল সাগরে,
 ফিরি কি সে আসে পুনঃ পর্বত-সদনে ?
 যে বারিধি ধরা ধরা সতৃষ্ণায় ধরে,
 উঠে কি সে পুনঃ কভু বারিদাতা ঘনে ?—
 বর্তমানে তোরে, কাল, যে জন আদরে
 তার তুই ! গেলে তোরে পায় কোন্ জনে ?

১০০

* * *

প্রফুল্ল কমল যথা সুনির্মল জলে
 আদিত্যের জ্যোতিঃ দিয়া আঁকে স্ব-মুরতি ;
 প্রেমের সুবর্ণ রঙে, স্নেহেত্রী যুবতি,
 চিত্রেছ যে ছবি তুমি এ হৃদয়-স্থলে,
 মোছে তারে হেন কার আছে লো শকতি
 যত দিন আমি আমি এ ভব-মণ্ডলে ?—
 সাগর-সঙ্গমে গঙ্গা করেন যেমতি
 চির-বাস, পরিমল কমলের দলে,
 সেই রূপে থাক তুমি ! দূরে কি নিকটে,
 যেখানে যখন থাকি, ভজিব তোমারে ;
 যেখানে যখন যাই, যেখানে যা ঘটে !
 প্রেমের তিমা তুমি, আলোক আঁধারে ।
 অধিষ্ঠান নিত্য তব স্মৃতি-সৃষ্ট মঠে,—
 সতত সন্ধিনী মোর সংসার-মাঝারে ।

১০১

আশা

বাহু-জ্ঞান শূন্য করি, নিজ্রা মায়াবিনী
 কত শত রঙ্গ করে নিশা-আগমনে !—
 কিন্তু কি শক্তি তোর এ মর-ভবনে
 লো আশা !—নিজ্রার কেলি আইলে যামিনী,
 ভাল মন্দ ভুলে লোক যখন শয়নে,
 ছুখ, সুখ, সত্য, মিথ্যা ! তুই কুহকিনী,
 তোর লীলা-খেলা দেখি দিবার মিলনে,—
 জাগে যে স্বপন তারে দেখাস, রঞ্জিণি !
 কান্দালী যে, ধন-ভোগ তার তোর বলে ;
 মগন যে, ভাগ্য-দোষে বিপদ-সাগরে,
 (ভুলি ভূত, বর্তমান ভুলি তোর ছলে)
 কালে তীর-লাভ হবে, সেও মনে করে !
 ভবিষ্যৎ-অন্ধকারে তোর দীপ জ্বলে ;—
 এ কুহক পাইলি লো কোন্ দেব-বরে ?

১০২

সমাপ্তে

বিসর্জিব আজি, মা গো, বিশ্বতির জলে
 (হৃদয়-মণ্ডপ, হায়, অন্ধকার করি !)
 ও প্রতিমা ! নিবাইল, দেখ, হোমানলে
 মনঃ-কুণ্ডে অশ্রু-ধারা মনোহুঃখে ঝরি !
 শুখাইল ছুরদৃষ্টে সে ফুল্ল কমলে,
 যার গন্ধামোদে অন্ধ এ মনঃ, বিশ্বরি
 সংসারের ধর্ম, কর্ম ! ডুবিল সে তারি,
 কাব্য-নদে খেলাইছু যাহে পদ-বলে
 অল্প দিন ! নারিগু, মা, চিনিতে তোমারে
 শৈশবে, অবোধ আমি ! ডাকিলা যৌবনে ;
 (যদিও অধম পুত্র, মা কি ভুলে তারে ?)
 এবে—ইন্দ্রপ্রস্থ ছাড়ি যাই দূর বনে !
 এই বর, হে বরদে, মাগি শেষ বারে,—
 জ্যোতির্ষ্ময় কর বঙ্গ—ভারত-রতনে !

পাঠভেদ

মধুসূদনের জীবিতকালে ‘চতুর্দশপদী কবিতাবলী’র দুইটি সংস্করণ প্রকাশিত হয়। প্রথম সংস্করণ ১২৭৩ সালে, ইংরাজী ১৮৬৬ খ্রীষ্টাব্দে, “শ্রীযুত ঈশ্বরচন্দ্র বসু কোং ষ্ট্যানহোপ্ যন্ত্রে মুদ্রিত” করেন। পৃষ্ঠা-সংখ্যা ১২২। “প্রকাশকদিগের বিজ্ঞাপনে” লিখিত আছে—

মাইকেল মধুসূদন ইংলণ্ডে দেড় বৎসর থাকিয়া [১৮৬২ খ্রীষ্টাব্দের জুন মাস হইতে] ১৮৬৩ সালের অক্টোবর মাসে ফ্রান্স রাজ্যে গমন করেন এবং ভরসেলুস নামক তথাকার সুপ্রসিদ্ধ নগরে দুই বৎসর কাল অবস্থিতি করেন। তিনি এই সময়ে ‘চতুর্দশপদী কবিতাবলি’ নাম দিয়া একশতটি কবিতা ছাপাইবার জন্ত আমাদিগের নিকট পাঠাইয়া দেন।...

আমরা গ্রন্থকারের হস্তাকর দেখিয়াই উক্ত কবিতাগুলির মূদ্রাকার্য সম্পন্ন করিয়াছি; পরন্তু কবিবরের অল্পস্থিতি নিবন্ধন প্রুফ সংশোধন করিতে, বোধ হয়, কোন কোন স্থানে ভুল রহিয়া গিয়া থাকিবে,...

...তিনি সুভদ্রার হরণ-বৃত্তান্ত লিখিতে আরম্ভ করিয়া সময়াভাবে শেষ করিতে পারেন নাই।...তিলোত্তমা-সম্বন্ধ কাব্য আশুস্ত সংশোধিত করিবার এবং বিজ্ঞানযোগ্যোগী আর একখানি নীতিগর্ভ পুস্তক রচনা করিবারও মানস করিয়াছিলেন; কিন্তু সময়াভাবে সে গুলিও শেষ করিতে পারেন নাই, সকলেরই কিয়দংশ মাত্র লিখিয়া ক্ষান্ত হইয়াছেন।...

আমরা উপর্যুক্ত সুভদ্রাহরণ, তিলোত্তমা, ও হিতোপদেশের যে২ অংশ প্রাপ্ত হইয়াছিলাম তাহা ‘অসমাপ্ত কাব্যাবলি’ শিরোনাম দিয়া চতুর্দশপদীর শেষভাগে সংযোজিত করিয়া দিলাম।...

১লা আগষ্ট ১৮৬৬।

শ্রীঈশ্বরচন্দ্র বসু কোং।

“অসমাপ্ত কাব্যাবলি” (পৃ. ১০১-২২) দ্বিতীয় সংস্করণে পরিত্যক্ত হইয়াছিল। এগুলি বর্তমান গ্রন্থাবলীর “বিবিধ” খণ্ডে মুদ্রিত হইয়াছে।

দ্বিতীয় সংস্করণ প্রকাশিত হয় ১২৭৫ সালে, ইংরেজী ১৭ মার্চ ১৮৬৯। পৃষ্ঠা-সংখ্যা ১০২। প্রকাশক ঈশ্বরচন্দ্র বসু কোং। কবি এই সময় ইউরোপ হইতে প্রত্যাবর্তন করিয়াছেন।

প্রথম ও দ্বিতীয় সংস্করণের পাঠভেদ পর-পৃষ্ঠায় দেওয়া হইল—

| কবিতা-সংখ্যা | পংক্তি | প্রথম সংস্করণ | দ্বিতীয় সংস্করণ |
|--------------|--------|--|--|
| ২ | ২ | পায়ে | পেয়ে |
| ৩ | ১০ | গৃহে তব | মাতৃ-কোবে |
| ৫ | ১৪ | মণ্ডল | মণ্ডলে |
| ৮ | ১৪ | ভাবে মনে | ভাষি মনে |
| ৯ | ৭ | অর্ণিলা | অরর্ণিলা |
| | ৯ | বল্যে | বলে |
| ১০ | ১ | দহি | দধ |
| | ৪ | যথা স্কুল মনে প্রিয়া শুশ্রূষয়ে ছিল। | যেখানে বিরহে প্রিয়া স্কুল মনে ছিল। |
| | ১৪ | মুদে, কয়ো তারে, দূত, এ বিরহে মরি ! | মুহু নাদে, কয়ো তারে এ বিরহে মরি ! |
| ১২ | ৪ | ঢাকিয়াছে ঘোমটার সুচন্দ্র-বদনে ? | পাখা-রূপ ঘোমটার ঢেকেছে বদনে ? |
| ১৩ | ৩ | গাই | গেয়ে |
| | ৮ | মানঃ-সরোবরে | মান-সরোবরে |
| ১৪ | ৫ | তুই ! | তুমি। |
| | ৬ | তোর | তব |
| ১৮ | ২ | ভূভারতে | ভূভারত |
| ২৪ | ৯ | আচার্য্য-রূপ | আচার্য্য-রূপে |
| ৩৪ | — | কবতক্ষ-নদ | কপোতাক্ষ-নদ |
| ৪৮ | — | করণা-রস | করণ-রস |
| | ১১ | দৈব-বাণী | দেব-বাণী |
| ৫১ | ৬ | পেয়েছি তোমায় | পেয়েছি উমায় |
| ৬২ | ৮ | কামড়ি | কামড়ে |
| ৬৪ | ১১ | লৌহ-নখ | লৌহ-ক্রম |
| ৭৮ | ১২ | অকুল সাগরে | অপথ সাগরে |

পরিশিষ্ট

ছুরুহ শব্দ ও বাক্যাংশের ব্যাখ্যা

- ১। ভারত-সাগরে—মহাভারত-রূপ সমুদ্রে। পতি-গ্রামে—পতিগণে।
- ৩। বঙ্গভাষা—এই কবিতার আদি রূপ “ভূমিকা”র দ্রষ্টব্য। সেইটিই বাংলার সনেট-আবিষ্কর্তা মধুসূদনের প্রথম সনেট।
অবরণ্যে—অবরণ্যে ব্যাকরণসম্মত পাঠ। শৈবল—শৈবাল, শেওলা।
- ৪। কমলে কামিনী—বিশেষ বিবরণ মুহূন্দরাম চক্রবর্তীর ‘চণ্ডীমঙ্গলে’ দ্রষ্টব্য।
বঙ্গ-হৃদ-হৃদে চণ্ডী কমলে কামিনী—কালীদেহে কমলে কামিনী যেমন অপূর্ব,
বঙ্গবাসীর হৃদয়-সরোবরে চণ্ডীকাব্যও তেমনই।
- ৫। অন্নপূর্ণার বাঁপি—বিশেষ বিবরণ ভারতচন্দ্রের ‘অন্নদামঙ্গলে’ দ্রষ্টব্য।
রাখে যথা স্থায়ীতে চন্দ্রের মণ্ডলে—[দেবতারী] যেমন সমুদ্র-মহনলক স্থা
চন্দ্রের মণ্ডলে যত্নে লুক্কায়িত রাখিয়াছিলেন।
- ৬। ভাষা-পথ—ভাষা এখানে চলিত ভাষা, মাতৃভাষা।
- ৭। নয়নরঞ্জন-রূপ কুসুম যৌবনে—দ্বিতীয় সংস্করণে এই পাঠ আছে, প্রথম সংস্করণে
“কুসুম-যৌবনে” আছে। “নয়নরঞ্জন রূপ কুসুম-যৌবনে” হওয়া সম্ভব।
- ৮। সৌদামিনী ঘনে—ঘনে—মেঘে ; মেঘে সৌদামিনী।
নাহি ভাবি মনে—“ভাবি” মূত্রাকর-প্রমাদ, প্রথম সংস্করণে “ভাবে” আছে।
“ভাবে” হইলেই অর্থ হয়।
- ৯। বলে—“বলিয়া”র অপভ্রংশ। প্রথম সংস্করণে “বল্যে” ছিল।
- ১২। ডামের—কোণের।
- ১৩। কলে—কলস্বনে, শব্দে।
- ১৪। বিম্বিকা—তেলাকুচা।
- ১৫। উর্জগামী জনে—উর্জগামী জনের পক্ষে।
বিকলে—বিকল হইয়া ; এ-কার যোগে এইরূপ ক্রিয়া-বিশেষণের প্রয়োগ
মধুসূদন বহু স্থানে করিয়াছেন ; যথা, যুদে (২১, ২৬), চঞ্চলে (৪৮),
ক্রতে (৫৫), প্রচণ্ডে : ৫৫), প্রগাঢ়ে (৬২)।
- ওথা—ওখানে।
- ১৭। মীলি—উন্নীলিত করিয়া, মেলিয়া। বায়ু-ইন্দ্র—বায়ুগণের মধ্যে শ্রেষ্ঠ।

- ১৮। ভূভারত—ভারতবর্ষের লোক। সনাতনে—“সনাতনি” ব্যাকরণসম্বন্ধ পাঠ।
- ১৯। কি কাক, কি শিকধনি—কি কাকধনি, কি শিকধনি। অবতায়—অবতীর্ণ হও।
- ২০। বামে কমকায়ী...বচনেশ্বরী—দক্ষিণে রমা এবং বামে বচনেশ্বরী হইবে;
প্রতিমামূখী দর্শকের পক্ষে অবশ্য মধুসূদনের বর্ণনা সঙ্গত।
- ২১। যুদে—যুজু পদে। এ বাজী করি রে—এই সকল ভেলকি দেখাইয়া।
- ২২। কি ফণিনী—কি—কিংবা।
- ২৪। জোনাকীভ্রম—জোনাকীসমূহ। তারাদলে—তারকাসমূহের মধ্যস্থিত।
- ২৫। কহ দিয়া যারে—বার (পবনের) সাহায্যে বল।
- ২৭। তাঁরে—ছায়ারে।
- ২৮। অসম্মমে—নির্ভয়ে; সম্মম—শ্রদ্ধামিশ্রিত ভয়।
- ৩০। ঘনে—অবিয়লভাবে। গ্রাহ—গ্রহ।
- ৩১। বদরীর তলে—বদরিকাপ্রম্বে। অনঘরে—অঘরে, আকাশে (মধুসূদনের প্রয়োগ)।
- ৩২। বধায় শিশিরের বিন্দু ফুল ফুল-দলে—দুই সংস্করণেই এইরূপ আছে। একটি
অক্ষর অধিক হওয়াতে ছন্দপতন-দোষ ঘটিয়াছে। “বধায়” সম্ভবতঃ
মুদ্রাকর-প্রমাদ, “বধা” হইবে।
- ৩৩। দড়ে রড়ে—ক্রমগতি দোড়াইয়া। আশ্রম—শান্তিপূর্ণ স্থান, আশ্রয়।
ভাসে শিশু যবে, কে সাঙ্ঘনে তারে?—দুই সংস্করণেই এই পাঠ আছে।
সম্ভবতঃ “ভাসে শিশু যবে, কহ, কে সাঙ্ঘনে তারে?” এইরূপ হইবে।
- ৩৪। বিয়লে—বিদেশের স্বজনহীন অবস্থায় কবি আপনাকে নিঃসঙ্গ কল্পনা করিয়াছেন।
সধা-রীতে—বন্ধুত্বের রীতি অহুযায়ী।
- ৩৫। ঈশ্বরী পাটনী—বিশেষ বিবরণ ভারতচন্দ্রের ‘অন্নদামঙ্গলে’ দ্রষ্টব্য।
কামিনী কমলে—কমলে কামিনী।
পদ-ছায়া-ছলে ..জলে—পদছায়া জলে পড়িয়া ফুল কনক-কমলের ভ্রম উৎপাদন
করিতেছে।
- ৩৬। তেজাকর—তেজ + আকর (মধুসূদনের প্রয়োগ)।
- ৪০। স্ভড্রা-হরণ—স্ভড্রা-হরণ কাব্য রচনা করিবার বাসনা মধুসূদনের ছিল, লেখা
আরম্ভ করিয়াছিলেন, শেষ হয় নাই।
ভাগ্যবান্তর—(মধুসূদনের প্রয়োগ)।
- ৪১। তুমকী—তুমকী, একতারা। ক—কহ। সাধে—সাধে।
- ৪২। হতাশে—অগ্নিতে। চল জলে—ধাবমান জলে, শ্রোতে।

- ৪৩। বৈজয়ন্ত—ইন্ড্রের প্রাসাদ। কবি—কবিগণ। পুট করে—অশ্লিষক হস্তে।
- ৪৪। ছন্দো—ছন্দবৈশী।
- ৪৫। বাস্তব—অক্ষয়।
- ৪৬। বঙ্গদেশে এক মাত্র বঙ্গুর উপসর্গ—ম'গ্য বঙ্গুর নাম না থাকিলেও ইহা যে, বিজ্ঞানাগর মহাশয়ের উদ্দেশ্যে লেখা, তাহা বলা যায়। তোমার প্রসাদে আজিও বাঁচিয়া আছি এবং কত বিজ্ঞা লাভ করিয়াছি, তাহা তুমি স্নেহের আফ্লাদে দেখিবে, ইত্যাদি উক্তি বিজ্ঞানাগর মহাশয়কে লিখিত চিঠির মধ্যেই আছে।
আজু—আজিও।
- ৪৭। ঠাট-ছলে—ঠাট্টার ছলে।
কি স্মরণ অট্টালিকা, কি কুটীর-বাণী—কি স্মরণ অট্টালিকাবাসী অথবা কি কুটীরবাসী।
এ নদ-পাড়ে—নদীপারস্থিত স্থানে।
- ৪৮। শরদের—শরতের। তরাসে—“গরাসে” মদ্যত হইত।
- ৪৯। শোকের বিহ্বলে—শোকের বিহ্বলতায়। চিবজ্ঞে—চিবকালের জ্ঞ।
- ৫২। শ্রামাদী—শ্রামলা বদভূমি। বাসে—বাস করে। জ্যোৎস্না—জ্যোতি।
- ৫৩। ঠাদের পরিধি—পরিধি—বৃত্ত।
- ৫৪। বৈপায়নে—বৈপায়ন-হ্রদে। দরশন-হরা—দৃষ্টিবিভ্রমকারী।
- ৫৬। “সিংহ-বৎসে।” স্থলে “সিংহ-বৎসে,” হইলে ভাল হইত।
অস্তের শয়নে—অস্তিম শয়নে।
- ৫৭। রূপস—রূপবান্। চৌপর—টোপর। উত্তে—উভয়কে।
- ৫৯। স্ন্যগকেশরী—স্বদ্বন্দ্ব নাগকেশর-ফুল। সিংহরি—শিহরি।
- ৬০। উন্নদা—উন্নতা।
- ৬২। চাপ—ধনু। আরবে—আরাবে, শবে। পাবনি—পবন-পুত্র ভীম।
- ৬৩। যৌত্র—ক্রুদ্ধ।
- ৬৪। ধরে—প্রধররূপে। তড়িত—তড়িং।
- ৬৬। চেউর গমনে—তরঙ্গ-প্রবাহে।
- ৬৮। মোহে গড়ে গন্ধরস সহি হত্যাশনে—অগ্নিআলা সহিয়া ধূপ স্বগন্ধে মোহিত করে।
- ৭০। যদপিও—যদপি (মধুস্বনের প্রয়োগ)।

- ৭২। ভাষা—কবি এখানে মাতৃভাষা বাংলার বন্দনা করিতেছেন।
বয়েসের হাসে—বয়স্কার হাসিতে।
- ৭৩। সাংসারিক জ্ঞান—কবির বিচিত্র আত্মবিলাপ, দারিত্র্যের তাড়নে তিনি যেন
পরাকৃত হইতেছেন।
বায়ে—বাহিয়া। খায়ে—খাইয়া। ছুড়ি—ছুঁড়ি।
- ৭৪। অজাগর—অজগর (মধুসূদনের প্রয়োগ)। অমূল—অমূল্য।
- ৭৫। অন্নায়ুঃ—ছন্দেয় অল্প “অন্ন-আয়ু” পড়িতে হইবে। জীবৈ—জীবনে,
জীবিতকালে।
- ৭৬। ছয় চন্দ্র—ছয় উপগ্রহ, আধুনিক গণনায় আট উপগ্রহ। সারসন—কোমরবন্ধ
ধীরে—শনির গতি যুহু; এই কারণে শনৈশ্চর নাম। চল—চলনশীল।
- ৭৭। অপথ—পথেরখাহীন।
- ৭৮। নীলমণি-ময় পথ—সমুদ্রের নীল জলপথ।
- ৭৯। যাতনি—যাতনা দিয়া।
- ৮০। এ ছলে—এই ছন্দবেশ ধরিয়া অর্থাৎ তারা-রূপে। উরে—উদ্ভিত হইয়া।
- ৮৫। গল্যে—গলিয়া।
- ৯১। কূল-বালা-দল যবে—যবে—যথা (মধুসূদনের প্রয়োগ)।
- ৯২। অমৃত-আসারে—অমৃতধারায়। স্তম্ভকে—স্তম্ভপক্ষে।
- ৯৪। পরিবরতিল—পরিবর্তিত হইল।
- ৯৫। মংশুরক—মাছরাঙা। লক্ষের টোপর—লক্ষ মুদ্রা মূল্যের টোপর।
- ৯৭। কুচ্ছ—কুৎসিত।
- ১০১। কেলি—খেলা।
- ১০২। পদ-বলে—পা-ছুইটিকে বৈঠা করিয়া, আপন পায়ের জোরে। কেহ কেহ
সরস্বতীর চরণ-রূপায়—এ অর্থ করিয়াছেন; তাহা সঙ্গত মনে হয় না।